

人物志十五

湖北通志卷一百一十七

列傳五目錄

高耕

鄧景武

劉儀

楊芷

高祚

梅應奎

柯文

楊所蘊子錫

程本曾孫春震

鄒觀光

楊紹中

鍾武瑞

郝明徽

陳金

徐珪

周琬

孫巖子亨

蔡興子福

陳軾

楊紹芳

毛騃

李欽滋

祝乾壽

陳德騷

陳蘖

周師旦

徐養量

王興福

陳壽子瑞

何宗彥

志百三十七

人物十五 目錄

郭雲

賀子亨

宮文侑

柳昌

童寅

宗彝

李中

程鐸

楊漣

陳謨

傅鳳翽

吳翰嗣

李諮

楊清

孫交子元

張漢

商大節

但元行

梁用

周正

從龍

劉洪子渠臯

沈文華

裴椿

魏宏政

曾遜子省吾

戴經

李得春

向日升

孫麟

王宗茂

張從道

萬安

李灝

王希旦

鄒傑



王大本

胡偉

王橋

李淑

劉侃

王宗載

王階

譚完

王頊

方遂

潘達

馬呈鼎

胡其慥

劉蘭

鄭友玄

歐陽東鳳

李宗信

張本濟

初杲

初旦

張師載

胡鑰

劉寅

歐陽柏

劉垓

劉應同

劉道隆

何薦可

劉若金

房勝

李廷琛

郭軒

程鴻孫以驄

吳文佳

陳所學

朱一龍

志百三十七

人物十五 目錄

二

吳文企

謝奇舉

胡承詔

魏士前

王鳴玉

譚元方弟元禮

蘭以權

任亨泰

李文郁

曹璘

鄭繼之

楚岳

閻俊

胡禎

楊銘

鄭達孫傑

呂昇

彭銓

胡玘

王從善

劉存義

柯維綦

劉大受

劉安行

汪始亨

夏紹虞

鍾亮

王麒子凝

胡價

王琰

李端

袁仕

錢積中

王一鶚

杜衡

王應期子維

魯點

方岳貢

陳讓

王訥

方岳朝

范純國

韓珊

陳大道

韓應龍

韓光祐

危思謙

李紹 張纁

張鸞

李貞

溫如玉

李三省

楊湛然

黃汝槐

韓奕

周士奇

劉源泗

李善

劉大受

陳瑛 馬戴

潘榮

彭忠

周清

徐成楚

歐陽照

劉濬

梁道凝

梁順甫

徐日隆

杜文寧

張天麟

朱敏

志百三十七

人物十五 目錄

金選

黃卷

王廷卿

周之翰

李化龍

周法

王璽

黃點

賀德邵

李讓

聶武

鄭恩

張武

傅公朝

李槩 孫如玉

張斗樞

王友

張居正

王讓

楊浩

劉傑

張純

李愷

戴賓

李昂 胡諒

劉懋

蔡暹

劉渙

趙鑾

汪宣

趙文奎

鄧鉉

鄭文祐

劉大武

蕭大賓

張楚城

張汝濟

劉楚先

傅作舟弟作雨

王棟

曹大威

尤大治

陸師贄

余有執

陳治紀

徐養心

王軾

鄒文盛

毛羽健

王恂

何皦子珊

李芳

王貢

高文光

周良臣

李守約

李學元

陝嗣宗

鄒之有

袁彭年

楊溥

王之誥

張秉彝

劉永清

傅啟讓

周志義

汪浩

彭鏞

袁愷子宗臯

劉思賢

劉寓

張璧

志百三十七

人物十五 目錄

四

成樂

李多祚

劉惟忠

裴璉子綸

鄭重威

劉昇

李夢祥孫元實

姜奇方

劉承範

謝璉

鄧炳

鄧應捷

伍文定

傅璫

謝銑子珊孫佑

李志

胡宗政

王本義

王其勤

胡政

周天祚

何勛

張儒

鄒師顏

向文璽

劉一儒

文安之

袁泰

冉寧唐貞

王良佐

舒富

朱志榮

雷以仁

陳禹謨子正言

王橋

郭維藩

劉子春

裴成祖

鄭孟珩

譚思敬

向九州

童鐘

向佶

童昶

申朝

陳陟

鄧宏烈

張問禮  
以上明

人物志十五

湖北通志卷一百三十七

列傳五

明

高紳字允升安陸人嘉靖丙戌進士授隄為知縣調溧水再調束鹿廉刻自奉凡所興置務從民便內召戶部員外郎出補四川參議調浙江參議遷山西參政久之擢布政使拜右副都御史巡撫貴州會修三殿徵巨木紳祇役三歲乃竣民不知擾諸苗伺隙相煽動紳勦撫兼施卒以無事叛卒李昂擁眾結砦梗雲南貢道紳揚兵臨之擒昂散其餘黨擇丁壯授以糧咸籍為兵治黔五年黔人德之以老致仕卒于家年八十一

志補

三楚文獻錄案文獻錄不載紳為山西參政據山西通

鄧景武德安人嘉靖間知德化縣縣舊無城比年寇至民結寨大

志百三十七

人物十五 列傳

一

龍黃龍二山以自保景武始倡修築城成雄視列邑未幾呂尙四

作亂憑城自固賴以破賊

福建通志

劉儀字來鳳安陸人舉人嘉靖中任三水知縣處官清約為政安

靖惠及黎庶威服豪強廟學公署修置一新

陝西通志案舉人表無

楊芷字文植安陸人嘉靖癸丑進士授吳江知縣值倭警增城障造戰艦清野鑿舟寇人張左右翼禦之勝墩之捷俘斬三千級擢南京戶部主事移兵部遷廣西僉事會古田賊起芷設方略殲其魁黃朝猛等八寨皆平調潮州兵備先是海賊曾一本與山賊林道乾相援結芷與戰銅山擣蓮嶼覆馬耳砦沿海為之悉定累遷江西布政穆宗立上言十事皆經國要務芷性孤峭不隨時俯仰年五十告歸士論高之居家篤宗戚振閭黨敦古尙誼嘉與後進嘗訓其子曰子弟不肖由不肯讀書學力既到俗氣自消人以爲

名言三楚文  
獻錄

高祚字養淳，第四子。嘉靖辛酉舉人，授工部主事。累遷黎平知府，初紳為黔撫，有善政，及歸，士民祝曰：願公子孫世世官黔。後祚至黔，人歡聲載道。守黎五年，政簡刑清，神宗舉為天下清廉第一。年六十九致仕。安陸府志

梅應奎字念如，安陸人。萬曆己卯舉人，任定襄教諭。造就有方，庚子關中秋闈，聘為同考，得佳士甚多。陞博白知縣，以廉潔稱。多惠政，邑人尸祝之。三楚文獻錄

柯文字守白，安陸人。萬曆戊戌進士，授富順知縣，力除積弊，豪蠹一清。暇則與諸生講說文藝，士皆興學。父艱，起補泗水縣政務簡要，與民休息，詳定先賢仲子後裔廩餼，擢刑部郎中，鞫廣西獄，多所平反。凡有冤抑者，無不昭雪。遷韶州知府，以病歸。嘉慶志

志百三十七

人物十五 列傳

二

楊所蘊字响，嶼安陸人。萬曆丁未進士，授洛陽知縣，值福王就封中，璫橫甚，所蘊悉以禮法裁抑之，迄無所撓。歷官順慶知府，子錫億，字文起，貢生，以文章受知。章曠，李白成據荆西，從聞道亡走賊，捕其妻子皆殺之。南奔依曠，署監紀，推官說曠曰：德安北捍楚塞，人尚豪俠，可用。應山楊主事之易忠孝世家立，蓋天營為國死守，豪傑羣附，但不知朝廷所在耳。錫億請間行號召，為漢南應援。曠然之，惜其才，用不遣從軍。自平江出通山，屢有功，題授職方主事。後長沙敗潰，與曠相失，遂入南嶽為僧，不知所終。嘉慶志 王夫案 鄖小記云：亂平歸隱，著作自娛，未知孰是。

程本字深齋，雲夢人。洪武初，以薦舉授本邑訓導。二十八年行取，至京會三王之國，除代府奉祠。王多失德，本直諫為王所杖，幾斃。既而上聞，府僚皆獲罪，獨宥本。陞汝寧府同知，曾孫春震字時舉。

成化壬辰進士授建昌知縣以通敏強幹稱擢監察御史巡按大同再按廣西皆有聲績以忤汪直左遷安岳知縣歲旱振卹安撫全活甚多歷順慶同知馬湖知府府治初建條教所及務在息民民德之一統志四川通志

鄒觀光字孚如雲夢人萬曆庚辰進士歷官吏部郎中公正廉平門無私謁發諸吏增減文書拜官事抵罪者數百人宿弊一空丁父憂廬墓三年藏書數千卷於學宮俾士就讀建尙行書院學者多從之游與吉安鄒元標齊名時稱二鄒累遷太僕寺卿一統志

楊紹中字長源雲夢人萬曆戊戌進士授餘干知縣歲旱捐資助賑擢戶部主事出爲金華知府清恕爲諸屬倡累遷貴州監軍副使時峒苗叛反覆不常紹中密遣人入峒販鬻熟其道里險易遠近與其渠魁廬舍會苗酋僞乞撫紹中廉得其狀乃招諸酋宴就

志百三十七

人物十五 列傳

三

擒之隨以兵平其巢穴所獲金珠服玩器械馬牛悉籍記上聞無一毫私旋擢雲南布政使致仕一統志雲夢志

鍾武瑞雲夢人任麗水知縣存心寬厚聽訟唯恐冤民必研審再四擢知遼州百姓攀轅泣送如赤子之慕慈母浙江通志

郝明徽字彥白雲夢人崇禎庚午舉人授太平知縣立社倉飭保甲釋虛贓之盜嚴誣坐之條黜胥役之擾省南北解軍之費大早禱雨立應咸稱爲令精誠所致雲夢志

陳金字汝礪應城人祖坦夔州知府父琳廣西僉事金舉成化壬辰進士除婺源知縣擢南京御史出按浙江還因災異劾文武大臣十九人多罷去歷遷雲南布政使討平竹子箐叛苗就拜右副都御史巡撫其地孟養孟密二酋構兵積年金遣參議郭緒往撫之遂罷兵修貢召爲南京兵部侍郎尋以右都御史總督兩廣軍



務馬平維容獐叛金偕總兵毛銳征之俘斬七千餘人江西盜起詔金總制南畿浙江福建廣東湖廣文武將吏俱隸焉時撫州則東鄉賊王鈺五等南昌則姚源賊汪澄三等瑞州則華林賊羅光權等而大帽山賊又起金調廣西狼土兵遣參議徐蕃等分屯要害半歲閒勦賊幾盡加太子少保江賊王公珣等爲亂金偕總兵郭勛等分六路討之斬公珣入掌都察院事世宗立請老命乘傳還久之卒

明史

徐珪字必信應城人弘治初爲刑部典吏時有滿倉兒獄爲東廠中官所庇奏下鎮撫司坐郎中丁哲等罪珪憤懣上書請革去東廠謫戍鎮撫司官帝怒下都察院考訊抵以奏事不實贖徙爲民旋以刑部主事陳鳳梧薦授桐鄉丞正德中歷贛州通判招降賊魁何積玉已復反下珪獄尋釋之後擢知州

明史孫磐傳

志百三十七

人物十五 列傳

四

周琬字潤夫應城人嘉靖壬辰進士知永嘉縣入爲戶科給事中諫世宗南巡謫鎮遠典史起知婺源縣累遷兵部右侍郎右僉都御史巡撫蘇松諸府疏陳禦倭有十難有三策未幾病免

明史張經傳

案明鑑載琬由婺源縣遷戶部主事調禮部郎中督學福建歷山東參政按察使以邊才薦拜右僉都御史巡開平免歸三十四年五月代張經總督蘇松軍務六月罷歸仕履較詳

孫巖應城人洪武初以開國功授鳳陽衛百戶累官燕山中護衛千戶燕師起通州守將房勝以城降王以巖宿將使與勝協守南軍至攻城甚急樓堞皆燬巖勝多方捍禦已復突門力戰追奔至張家灣掠餉舟三百復還守城歷陞都指揮僉事封應城伯永樂十六年卒贈應城侯諡威武子亨洪武末官至千戶從燕師立功蘇州永平鄭村壩大同白溝河滄洲彰德靈壁諸處入金川門歷陞河南都指揮十六年嗣爵

應城志 案明史孫巖傳巖鳳陽人舊志謂應城人疑有所據故仍載

蔡興字國鎮應城人幼有膂力自歸明太祖從克廬州安豐泰州蘇州授驃騎衛百戶從取樂安開封北平及定州授世襲洪武十一年改燕山中護衛百戶三十年卒子福襲職福字南泉燕師起從征累有功累遷都指揮僉事成祖卽位遷都指揮同知四年隨新城侯張輔征交趾先登陷陣陞都督同知七年復征交趾擢右副總兵十一年隨鎮遠侯顧興祖征貴州擒苗酋普高十四年擒山西賊劉子進等旋領本部及各衛軍備倭山東進副總兵都督府都督

德安府志

陳軾字子敬應城人弘治乙丑進士授定海知縣擢御史時錢寧喉武學生朱大周訐楊一清軾劾大周請究主使事遂寢遷山西按察副使歷按察使江西布政使以右副都御史巡撫南畿改大理寺卿轉戶部右侍郎軾性明坦樂易涇渭不滄臨政精察有體

志百三十七

人物十五 列傳

五

卒於官

應城志

楊紹芳字伯傳應城人祖敏景泰丁卯舉人官萊州府同知紹芳早孤奉母孝登嘉靖癸未進士授上虞知縣有惠政擢御史清軍兩廣乞病歸起按北畿陳時政十事言皆切中督修九廟工竣出爲江西按察副使景德鎮窰廠僱工譁亂紹芳單騎往諭平之民感之爲立生祠

應城志

毛騃字汝健應城人舉人正德閒任武寧知縣時民俗樸野騃公餘擇諸生教之以經示以文法刊四禮圖注以訓俗學宮祭器不備騃範銅爲之一如禮典

江西通志案舉人表不載

李幼滋字元澍應城人嘉靖丁未進士授行人改給事中歷戶科禮科忤權貴意謫邵武縣丞移安慶推官汝寧同知歷南戶部郎中淮安常州知府潼關井陘兵備副使累遷太僕大理卿戶部侍

郎右都御史工部尙書治河有功績加太子少保卒

一統志參德安府志案

明史張居正傳作幼孜據應城志李氏宗譜及城內尙書坊俱作滋

祝乾壽字健卿應城人嘉靖癸丑進士授崑山知縣甫至值倭寇

攻城乾壽率眾死守遣奇兵出擊之大捷斬首數百級踰年丁艱

歸崑人遮道泣送數百里其得民如此起補曲周縣治最擢山東

道御史會邊警命巡宣大未赴病卒

江西通志參應城志

陳德驥字房甫應城人嘉靖癸丑進士授建平知縣簡訟恤獄諸

項餘羨悉充正賦申減牧馬之額裁供億費丈田均糧豪右無敢

撓陞大名府同知

江南通志

陳藻字應虹應城人隆慶戊辰進士歷官至戶部尙書所莅皆以

廉能見稱卒贈少保

一統志

周師旦字句嶸應城人萬曆辛丑進士初任永安州知州調巴縣

志百三十七

人物十五 列傳

六

考最擢御史巡按宣大糾代藩不法事劾貪弁恤商困督學江南

奏罷納費入學士林稱之

應城志

徐養量字京咸應城人萬曆丁未進士選庶吉士授御史多所建

白歷太僕寺少卿熹宗登極期日紛紛未定養量面責楊漣遲誤

大事與漣及左光斗促請甚力督學北直甄拔寒峻人服其藻鑑

累遷都御史巡撫甘肅禦邊寇一歲再捷性方嚴爲人所憚軍

中有膽寒之謠晉兵部尙書卒

應城志

王興福隨人初守徽州有善政遷杭州杭初附人心未安興福善

撫輯民甚德之秩滿當遷郡人遮道攀留興福諭遣曰非余能惠

父老父老善守法耳太祖嘉之擢吏部尙書坐事左遷西安知府

卒官

明史王宗顯傳

陳壽隨人洪武中由國子生授戶部主事永樂元年遷員外郎出



感之以上皆何文  
毅公考錄

童寅字以敬隨州人永樂甲申進士授監察御史出按蘇松再巡雲南及遼東諸郡風裁肅然補交趾按察使以母喪歸起江西按察使廉介勤恪決斷明允既卒吏民哀悼護其喪歸家無贏帛妻子不免飢寒分省人物考  
嘉慶志作董寅 按

宗彝隨州人成化甲辰進士授建德知縣卓異遷山東道御史疏請延訪儒臣以廣聖德出按福建不尙搏擊首舉莆田孝子劉閔請授本縣訓導以勵風俗何文毅  
公考錄

李中字子庸隨州人正德甲戌進士歷官廣東按察僉事部民有訴鄉貴奪其田者中爲直之竟還民田都御史張某鎮梧州家人雜商販牟利爲巡檢所詰張以他罪陷之中不聽升廣西參議再遷廣東按察使右布政使巡按戴某用法刻欲罪南海番禺吏六

志百三十七

人物十五 列傳

八

十人中驗無實戴曰是六十人者寧無枉法意耶中曰法者治其太甚以意罪人何以揀過將如故入律何戴慚怒於是交惡戴撫拾其過劾不稱職左降四川參議累遷總督南京糧儲右副都御史皆有政聲廣東通志  
德安府志

程鐸字仲聲隨州人崇禎戊辰進士任惠州府推官檄屬邑行鄉約嚴保甲稽流寓盜匪斂迹山寇鍾凌秀爲亂鐸往諭降之遣病歸卒士民悼惜廣東  
通志

楊漣字文孺應山人萬曆丁未進士除常熟知縣舉廉吏第一擢戶科給事中轉兵科左給事中四十八年神宗疾甚皇太子未得見漣白東宮當力請入侍嘗藥太子深納之神宗崩光宗嗣位越四日不豫都人喧言由鄭貴妃漣與左光斗倡言於朝請貴妃移宮貴妃卽移慈寧漣遂劾崔文昇用藥無狀並諫阻貴妃皇太后

封帝再召見大臣皆及漣漣自以小臣預顧命感激誓以死報九月乙亥朔帝崩皇長子入慈慶宮是時李選侍居乾清閣臣劉一燝奏曰殿下暫居此俟選侍出宮訖乃歸乾清宮明日周嘉謨左光斗各上疏請選侍移宮初四日得俞旨初五日傳聞欲緩移宮期漣及諸大臣畢集慈慶宮門外漣語首輔方從哲趣之一燝嘉謨助之詞色俱厲聲徹御前皇長子使人宣諭乃退其日選侍遂移居仁壽宮明日庚辰熹宗卽位自光宗崩至是凡六日漣與一燝嘉謨定宮府危疑言官惟光斗助之漣鬚髮盡白帝亦數稱忠臣未幾遷兵科都給事中既而諸奄流言熒惑朝士御史賈繼春請不當於御極之初逼逐庶母漣恐繼春說遂滋亦上敬述移宮始末疏繼春及其黨益詆漣漣不勝憤抗章乞去帝褒其忠直而許之歸會繼春亦罷去其論始息天啟二年起漣禮科都給事中

旋擢太常少卿明年冬拜右僉都御史又明年春進左副都御史時魏忠賢已用事羣小附之漣益激揚風議務植善類抑儉邪忠賢銜之遂與汪文言獄將羅織諸人事雖獲解正人日危漣遂抗疏劾忠賢列其二十四大罪忠賢初聞疏懼甚其黨王體乾及客氏力爲保持疏入有旨切責漣漣擬對仗復劾之忠賢謂知遏帝不御朝者三日及帝出敕左班官不得奏事自是忠賢日謀殺漣矣會漣注籍不與廷推忠賢矯旨責漣大不敬無人臣禮削籍歸忠賢恨不已再興汪文言獄下獄鞠許顯純使文言引漣納熊廷弼賄文言仰天大呼曰世豈有貪賊楊大洪哉至死不承顯純乃自爲獄辭坐漣贓二萬遂逮漣士民數萬人擁道攀號所歷村市悉焚香建醮祈祐漣生還比下詔獄顯純酷法拷訊體無完膚其年七月遂于夜中斃之年五十四漣素貧產入官不及千金母妻

止宿譙樓二子至乞食以養徵賦令急鄉人競出資助之下至賣菜傭亦爲輸助其節義感人如此崇禎初贈太子太保兵部尙書諡忠烈官其一子明史

陳謨應山人歲貢景泰中任梧州府通判安撫善良攘除寇盜甚有聲績薦陞梧州知府應山志

傅鳳翔字德輝應山人嘉靖癸未進士授上蔡知縣倡修縣城區畫不擾擢監察御史出按江西浙江風采肅然累擢右僉都御史巡撫陝西寇犯境斬獲有功入爲兵部右侍郎協理戎政卒官一統志

分省人物考案鳳翔或作鳳翔誤

吳翰嗣字子修應山人嘉靖庚戌進士任東陽知縣值倭爲患海上翰嗣增兵置戍倭不敢犯擢御史巡視京城權貴憚之出按雲南以清直稱目疾致仕德安府志

志百三十七

人物十五 列傳

十

李諒字蓋伯應山人以貢入太學選授平武知縣羌民雜居山多田少諒蠲逋賦清訟獄以治聞會詔採木議以春夏水漲始役民民無輦運之勞公私稱便憂歸尋卒諒居鄉有禮法時人稱爲和節先生應山志

楊清應山人漣之兄也歲貢任宜興知縣遷國子助教再遷金華府同知有惠政清爲諸生時與漣讀書山中慕里中二宋二連人亦以宋連稱之及漣被禍清罷官家居事雪復任衢州旋致仕歸一統志

孫交字志同安陸州人成化辛丑進士授南京兵部主事弘治初吏部尙書王恕薦授吏部稽勳員外郎歷文選郎中居部職十四年於善類多所推引遷太常少卿提督四夷館太同有警命經略黃花鎮諸邊增垣堡廣樹藝制敵騎馳突正德初擢光祿卿三年

進戶部右侍郎改吏部以不附劉瑾調南京瑾敗召拜戶部尙書時征討流寇調度煩急凶歲正賦不足交區畫適宜四方告饑輒請蠲租遣賑以故民不甚敝小人用事者皆不便之八年五月中旨致仕世宗在潛邸知交名甫卽位召復故官首請帝日讀祖訓言動悉取準則經筵日講寒暑勿輟帝褒納焉武宗侈汰之後庫藏殫虛交裁冗食定經制宿弊爲清然事涉中官者帝亦不能盡從廷議發內帑給軍廩官俸已報可爲中官梁諫等所沮正德中監督倉場增至五十五人以交言罷撤過半後復漸增守珠池中官令毋得預守土事已而夤緣復故又論御馬監內臣毋監收芻豆并令戶部通知馬數杜其侵耗不從交年已七十連章乞罷繼請益力加太子太保馳驛歸詔子編修元侍行卒年八十諡榮僖交言論恂恂不以勢位驕人清慎恬慤終始一致初在南京僚友相率談諧飲奕交默處一室讀書不輟或以爲言交曰對聖賢語不愈於賓客妻妾乎興獻王素愛重交嘗割陽春臺東偏地益其宅後中官言其侵地上曰此先王所賜吾敢奪耶子元進士終四

川副使謹厚有父風

明史

張漢字濯之鍾祥人正德甲戌進士歷官兵部左侍郎嘉靖二十三年俺答入犯抵完縣京師戒嚴代翟鵬爲宣大總督時寇已出境乃命翁萬達往而以漢專督畿輔河南山東諸軍漢條上選將練兵信賞必罰四事請令大將得專殺偏裨總督亦得斬大將人知退怯必死自爭赴敵帝不欲假臣下權以漢老邊事姑報可會考察言官劾漢剛愎遂械繫詔獄謫戍鎮西衛居戍所二十年卒

明史翟鵬傳

商大節字孟堅鍾祥人嘉靖癸未進士授豐城知縣始爲築城捕



境內盜幾盡擢兵科給事中謫鹽城縣丞三遷刑部郎中出爲廣東僉事歷山東按察使擢右僉都御史巡撫保定慮俺答內侵疏請重根本護神京居四年召理院事俺答果大舉薄都城詔城中居民及四方人應武舉者悉登陴守以大節率五城御史統之發帑金五千兩命便宜募壯士寇退復命兼管民兵經略京城內外訓練鼓舞軍容甚壯擢右副都御史仇鸞惡大節獨爲一軍不受其節制欲困之乃請畫地分守以京師四郊委大節大節言臣雖經略京城非有重兵專戰守責者也帝方寵鸞責大節懷奸避難立下詔獄法司希旨當大節斬隆慶初復故官謚端愍

明史

楚紀江  
西通志

但元行安陸州人洪武元年任武寧知縣兵燹之後城野悉空元行招集流亡民以安堵修城垣開荒田興水利建公署惠政甚多

志百三十七

人物十五 列傳

三

梁用安陸州人洪武中以人才舉薦授戶部主事出爲重慶知府

有善政卒官軍民遮道泣送如失所怙

一統志

周正字孟端安陸州人天順八年知滁州有治績聲望與東莞陳

連相埒

江南通志

從龍字雲峰安陸州人成化乙酉舉人任富順知縣升知麻哈州

時民未知學龍聘名碩士訓之俗爲之變擢懷慶府同知致仕

貴州志

通志

劉洪字希範安陸州人成化戊戌進士授陽穀知縣擢御史巡按兩浙力剔鹽弊進浙江按察副使毀庵觀立鄉塾民知向方歷僉都御史巡按貴州值米番叛後剪其餘黨立城險要以兵征四川松潘平列柯空龍二寨正德初加右都御史巡撫兩廣俘斬潮惠諸郡劇賊及榔桂流寇入掌院事卒子槩槩渠臬稱石城四鳳渠

字清甫與弟臬同舉正德辛巳進士嘉靖中渠以都御史巡撫雲南黔國公怙勢行不法渠嚴爲約戢令行禁止安南苗叛撫定之後鎮筸銅仁麻陽告警渠隨機勦撫皆得其宜嚴嵩忌其功落職歸臬字憲甫初授刑部主事改御史雲南土苗安鳳文反詔令選風力老成者往按之朝臣以臬對事平累遷至都御史巡撫山西修葺邊備不遺餘力尋謫戍貴州隆慶閒復官

鍾祥志

沈文華字崇實安陸州人弘治丙辰進士授刑部主事疏白學士程敏政科場之冤升員外郎遇事多平反京師爲之語曰有疑有難必問沈反出爲陝西提學副使嚴立科條士氣振興以忤權貴左遷浙江參議謝病歸

分省人物考

裴椿字永年安陸州人正德丙子舉人授丹徒教諭歷遷延平知府恤民隱解宿弊平反重囚士民感慕

福建通志

志百三十七

人物十五 列傳

三

魏宏政安陸州人舉人任建德知縣清白自矢每朔望請讀六論申明鄉約積穀備荒緩征薄罰歲祲煮粥飢飢施楫掩骼民感其

惠

浙江通志

曾遜字克讓安陸州人正德中任金堂知縣民多逋賦拘繫者相累不絕遜下令與民更始吏役不得擅禁戶給稅帖民感之輸者如期而至及去爲立遺愛坊孫省吾字恪菴嘉靖丙辰進士授富春知縣累官兵部右侍郎萬曆初四川土司都蠻恃九絲城之險屢叛遣省吾討之往平其亂拓地四百餘里得銅鼓九十三而還以功進工部尙書張居正薦省吾及吏部侍郎夷陵王篆等可大用帝爲黏名御屏未幾居正卒爲言官所劾省吾篆俱得罪去

統一統

志四  
川通志

戴經字伯常一字楚望安陸州人事世宗藩邸嘉靖初授錦衣衛

千戶歷僉事累遷指揮使兼領詔獄時廷臣以言事忤旨鞠繫者如楊爵周怡劉魁先後十數人楚望親視食飲湯藥衣被調護甚至後往往得釋永豐聶豹在獄楚望從其受書雖居武職所親事皆海內有道高名之士其子概哀其文百篇及詩歸有光序

案戴錦衣家傳云經父文潤為興府良醫事睿宗世宗文潤以父沒哀毀卒里人題其廬曰終慕及經貴因立終慕室也

李得春字元甫鍾祥人嘉靖癸丑進士累官給事中疏劾嚴嵩謫

石埭知縣丈量民田賦役公平尤加意士類民祠之仙壇宮

江南通志

向日升字青門鍾祥人萬曆癸丑進士授梁山知縣調丹徒遷兵

部主事貴州苗安酋叛出日升備兵思南指授方略應機撫剿克

平其亂歷官陝西布政

雍正志

孫麟字伯馭鍾祥人

一云蘄州人

崇禎辛未進士授會稽知縣累遷廣

東參議有惠政

湖北通志檢存稿

志百三十七

人物十五 列傳

十四

王宗茂字時育京山人父橋廣東布政使宗茂登嘉靖丁未進士授行人三十一年擢南京御史時劾嚴嵩者皆得禍宗茂甫拜官三月上疏曰嵩本邪詔之徒寡廉鮮恥久持國柄作威作福如吏兵二部每選請屬二十人人索賄數百金任自擇善地致文武將吏盡出其門負國罪一任私人萬案為考功郎凡外官遷擢唯賄是問致端方之士不得為國家用負國罪二往歲遭人論劾潛輸家資南返輦載珍寶不可數計金銀人物多高二三尺下至溺器亦金銀為之負國罪三廣布良田徧於江西數郡又於府第後積石為大坎實以金銀珍玩為子孫百世計而國計民瘼一不措懷負國罪四畜家奴五百餘人往來京邸所至騷擾驛傳虐害居民負國罪五大官饌不數品而嵩則窮極珍錯殊方異產莫不畢致九州萬國待嵩有甚于陛下負國罪六往歲寇迫京畿上下憂懼

而嵩貪肆益甚海內百姓莫不祝天以冀其早亡負國罪七募朝士爲乾兒義子至三十餘輩皆爲之爪牙助其虐斲致朝廷恩威不出於陛下負國罪八疏至坐誣詆大臣謫平陽縣丞半歲以母憂歸嵩無以釋憾奪其父橋官橋竟憤悒卒明史

張從道字質德京山人洪武丙子舉人授廬州通判以清慎聞帝遣賜羊酒勞之擢徽州知府按誅豪猾郡中清靜憂歸起知永平府興立學校郡人從化水災發倉賑濟全活甚眾歷官山東按察

使一統志分省人物考

王希旦字景伯京山人成化丁未進士授南京大理評事進寺副治獄多所平反遷廣東僉事行部所至撫循流亡捕剪寇盜政績

爲嶺表最京山志按與鄒傑當均次李灝後

鄒傑字文伯京山人貢生成化間任廣通知縣建學校置學田積

志百三十七

人物十五 列傳

粟備荒其後兵火凶饑民賴以濟雲南通志京山志

萬安京山人歲貢正統中授河間府通判遷同知再遷處州知府

政尙寬平善決獄訟囹圄空虛人稱爲萬父坐謗解職郡民詣闕

乞留合還官安敝袍從二僮步入城眾驩呼曰此吾萬父也泄政

如初浙江通志京山志

李灝字德廣京山人案貴州通志灝作浩安陸人正統中歲貢授兵科給事中

累遷南京工部侍郎天順初左遷貴州參政成化初晉右副都御

史巡按貴州四川大壩夷亂統兵征勦所向克捷致任歸卒諡忠

肅京山志

王大本字立之京山人弘治壬子舉人與竟陵魯鐸齊名授潁上

知縣泄官有善政恥以簿書期會見長日進諸生論說古今三載

去任不攜官中一物雍正志

胡偉字邦奇京山人正德辛巳進士授永新知縣興學勸農儲粟振饑百廢俱舉邑歲賦民苦虛賠流亡者眾偉請量田更籍均其賦役豪右咸不便偉力持之分都制籍因賦著役浹歲告成百姓稱便

江西通志

王橋字汝濟京山人嘉靖丙戌與弟格同舉進士授錢塘知縣三載賢聲冠浙中擢陝西道御史巡視北城以嚴正為權貴所忌落職判鄧州稍遷淮安通判歷南京太僕寺丞戶部郎中擢慶遠知府振廢滯卻苞苴與柳州諸郡合兵討十里諸溪洞蠻有功進河南副使轉廣西參政陞廣東布政使罷歸

京山志案橋子宗彥傳見前

李淑字師孟京山人嘉靖庚戌進士時嚴嵩當國使人請曰楚有李某吾鄉人也能見我乎淑不肯往及廷試嵩故抑之授工部主事累遷浙江僉事有破倭寇功為趙文華所忌坐飛語當調淑遂

志百二十七

人物十五 列傳

共

乞歸文華敗以薦起為河南參議督糧儲歷山東按察使廣西右

布政使請歸養後卒

京山志湖北舊聞錄

劉侃字正言京山人嘉靖癸丑進士官戶部郎中廉正有聲遷成都知府平薛兆乾之亂擢洮岷道副使有善政歷官福建左參政著有新陽詩草

一統志

王宗載字時厚宗彥從弟嘉靖壬戌進士授海鹽知縣濬水利築海塘省徭薄賦庶政畢修擢廣西道御史時承天府屬皇莊及守陵太監肆煽威虐徵求土貢元佑宮增道官獻陵添錦衣衛均為官民大害宗載抗疏五事一革莊田以舒民困二裁冗員以肅官常三定經制以清冒濫四正貢進以省科派五一事權以絕弊源皆報可如潛江之罷貢香稻即其一也出按福建晉大理寺少卿隆慶中疏請停免上供加派銀兩神宗亦詔免之萬曆四年以右

僉都御史巡撫江西告歸

京山志

王階字震吉京山人萬曆癸未進士授行人歷戶部主事轉郎中條陳文武科場利弊皆切中出監兌蘇松諸郡漕糧臨清倉先後積羨一千三百石有奇具疏上之後遷漳州知府

雍正志

譚完字伯趙京山人萬曆乙酉舉人授許州學正遷銅仁府推官完有清操土司有欲脫罪者投以金諭卻之時播亂初平完安集流亡甚眾調臨洮府同知有縣令以積遺完啟之則金酒罍一具也怒而還之卒官

一統志  
雍正志

王頰字士直京山人萬曆戊子舉人授南溪知縣徵賦設四匾於縣門令民自署名投之里胥鮮侵隱者平劇盜嚴正卿赦其餘黨丁憂起知蒙自縣修水利溉田數千畝人稱曰王公渠以與攝郡事者有隙左遷華亭丞署青浦卒

雍正志

志百三十七

人物十五 列傳

七

方遂字鳧陽京山人萬曆己丑進士授戶部主事歷官廣州知府中使採珠開礦驕橫無狀遂按其尤者於法調知池州府有惠政再調開封池人老幼攀送幾不得行

京山志  
江南通志

潘達字劇驂京山人萬曆甲午舉人授成都知縣遷西安府同知所轄寥闊值礦使四出達單騎撫循頑梗屏息擢工部員外郎魏璫創肅寧宮工部令達監作達辭以疾遂誣為熊廷弼黨落職

雍正志

馬呈鼎字定甫京山人萬曆戊子舉人任遂安知縣均賦徭懲豪猾修學宮增城堞善政具舉

浙江通志

胡其慥字石廩京山人萬曆甲午舉人授樂昌知縣遷刑部主事御史劉貞一建言被逮其慥擬罪止奪官再經駁擬堅執不移擢武定知府漢獠雜處部民懷貳有欲為寇應者其慥計擒之撫按

交薦遷雲南參議土賊嘯聚攻掠城堡其慥誅其渠羣黨潰散再遷貴州參政告歸

雍正志

劉蘭字九畹京山人萬曆戊戌進士授南充知縣調咸陽擢浙江道御史以母憂歸光宗卽位起本官時軍需不給戶部加派畝餉蘭請除山澤塘堰屋廬外起科得減五分之二天啟初客魏用事蘭疏請遣客民出外御史鄭繼芳誣劾王元翰奸賊蘭與史記事胡忻輩連章論救皆不省尋晉太僕寺少卿

明紀輯略京山志

鄭友玄字元韋京山人天啟乙丑進士授青浦知縣調華亭兩邑皆稱繁劇友玄判斷如流里長苦督賦友玄使十里均任輸及額者勿詣縣督而弗應者則攝而懲之賦課畢登召爲御史疏論閹寺變置軍政及總戎跋扈之失得旨切責福王時起補原官巡鹽兩淮母憂去任

江南通志

志百三十七

人物十五 列傳

六

歐陽東鳳字千仞潛江人年十四喪父哀毀骨立母病嘔血跪而食之舉於鄉縣令憫其貧遺以田二百畝謝不受萬曆己丑成進士除興化知縣大水壞隄請賑於上官不應遂自疏於朝坐越奏停俸然竟如所請屬遷南京刑部郎中擢平樂知府撫諭生猺皆相親如子弟因白督學監司擇其俊秀者入學猺漸知禮讓稅使橫行東鳳力抗之以才調常州布幃瓦器胥吏不能牟一錢禽奸人劇盜且盡顧憲成輩講學爲建東林書院居四年謝事歸起山西副使擢南京太僕少卿並辭不受卒于家

明史顧憲成傳

李宗信潛江人監生洪武中授監察御史改大理評事出爲保寧知府均賦役驗丁覈實民胥賴之吏部考績上曰李宗信能臣也不在考列永樂初擢交趾按察使吏民畏懷後乞歸賜鈔幣

楚紀

張本濟潛江人天順丁丑進士成化中任鳳翔知府公正清謹石

度咸舉士民歌頌之

陝西通志

初杲字啟昭潛江人正德辛巳進士授監察御史會議大禮引經

抗疏同百官赴東華門哭諫世宗怒受杖幾斃復疏劾都御史席

書不得驟遷禮部尙書朝士皆震懾巡視河東鹽法濬河渠築隄

堰漕政大舉商民稱便尋轉河南僉事分巡睢陳擒流賊王長子

洪輔等餘黨解散陞雲南參政乞休歸

一統志省人物考

初旦杲弟知大竹縣簡靜慈愛不事煩苛民皆遵化

四川通志

張師載字巨卿潛江人嘉靖丁未進士授嘉興知縣政務寬大會

編里甲貧富適均時海寇大入人情洶懼思遁師載曉以利害亟

修守禦民恃以安擢南京吏科給事中嚴嵩柄政師載疏劾其黨

嵩銜之授萊州知府令人伺其隙竟不可得遷淮揚兵備副使尋

以僉都御史巡撫真定歷陝西浙江巡撫以病乞歸

一統志浙江通志

志百二十七

人物十五 列傳

九

胡鑰字衛卿潛江人嘉靖丙辰進士授行人擢監察御史巡鹽河

東奏復南陽爲行鹽地漕政一新遷廣東參議勤求撫輯善政甚

多以繼母老乞養歸

雍正志

劉寅字敬甫潛江人嘉靖甲子舉人官山東道御史有經理川湖

及飭從節儉二疏剴切精詳以直諫名於時

一統志

歐陽柏字惟承潛江人隆慶戊辰進士授義烏知縣甫下車訪民

疾苦痛懲蠹役禁其擾害時徵兵備倭柏親按冊籍調發不煩而

事集歷遷吏戶刑三科給事中論漕運團營事宜皆允行又請禁

私閹以圖倖進出爲福建參議坐事謫戍雲南尋放歸著有樹穀

堂稿十數筆錄

浙江通志潛江志

劉垓字達可潛江人隆慶辛未進士授太平府推官有聲入爲禮

部郎中吳中行趙用賢劾大學士張居正奪情廷杖垓救之被謫



起視雲南學政得士心致仕歸田閉門講學人士翕然宗之一統志

劉應同字襟河潛江人萬曆癸未進士任漢中知府郡有張桓侯

廟里人歲為神娶婦相傳一不應則多水火疾疫應同至火其廟

一郡震懼是年亦殊無故里人感德立祠祀焉一統志

劉道隆字麟原潛江人萬曆丙戌進士授江都知縣涖官即杖殺

吏之侵盜官幣者胥吏惕息不敢復為奸昭雪滯獄范學仁等十

餘人鑿陂築堰以救水潦開商籍試士之列在任五載約已愛民

擢兵科給事中轉刑科病歸起光祿少卿遷右通政使疏薦趙南

星葛寅亮又疏理熊廷弼冤潛江志

何薦可字替否潛江人萬曆癸丑進士授常州府推官按獄必焚

香默禱然後具狀以考最遷戶部主事調南京御史劾大學士溫

體仁誤國降秩旋引疾去潛江志

志百三十七

人物十五 列傳

三

劉若金字用汝潛江人天啟乙丑進士授古田知縣調知蒲城摘

奸發伏捕盜如神遷南京吏部主事擢為淮海兵備流寇方熾若

金拔羅舉於行伍授以方略增設堡邏踰年賊不敢犯境又請疏

濬淤河以利水道工畢進一級後擢副都御史巡撫閩廣加兵部

侍郎雍正志 潛江志

房勝景陵人初從陳友諒來歸累功至通州衛指揮僉事燕兵起

北平勝首以通州降成祖即位以守城功封富昌伯世襲指揮使

永樂四年卒明史孫 嚴傳

李廷琛一名深景陵人初從鄧愈取江南佐平饒州戰彭蠡定武

昌及湖南北累功授衛指揮副使鄧愈鎮襄陽廷琛屬焉嚴號令

練軍伍修屯田洪武元年入征河南迤北廷琛同指揮吳復等攻

取南陽各屬克之降葉舞陽魯山從討河西金商均房諸州悉定

三年西擊王保保五年從討澧州蠻皆有功

分省人物考

郭軒字文載景陵人成化庚子舉人授盧氏教諭崇尙實學成就

甚眾擢連江知縣及卒弟子顯者至楚必拜其墓

一統志

程鴻字子漸竟陵人正德癸酉舉人授通江知縣丁憂起補鹽城

海溢颶風霖雨境內居民漂溺無算鴻弔死恤生坎地爲二塚辨

死者男女瘞之擢饒州通判署同知監景德鎮審廠有羨銀三千

兩納之官陞江南通州直隸州歸孫以驄字龍亞由貢生授潼川

學正署樂至縣事有富人當對出千金乞庇拒不納由是貧懦者

遇訟得理

湖北通志檢存稿

吳文佳字士美景陵人嘉靖乙丑進士授徽州府推官與平礦賊

有功遷刑部主事調戶部權稅臨清以廉平著入爲監察御史豪

貴斂跡轉給事中監昭陵工節浮費以萬計歷官福建右布政

天門

志百三十七

人物十五 列傳

三

志

陳所學字正甫景陵人萬曆癸未進士授刑部主事改工部典試

雲南遷徽州知府再遷督學山西能得士與其滇中所拔者多知

名轉冀寧巡道籌邊裕餉有勞歷福建右布政浙江左布政山西

巡撫召爲戶部尙書值楊漣疏劾魏忠賢禍且不測所學疏救不

報遂告歸

天門志

朱一龍字虞言景陵人萬曆壬辰進士授蘇州府推官聽讞明斷

多所平反時知府朱燮元同知朱芹咸有治績有一郡三朱之譽

遷吏部主事終考功郎中

天門志

吳文企字幼如景陵人萬曆戊戌進士授南京戶部主事視榷北

新關減雜稅三百餘金有附稅瑣虐民者抵之於法遷寧波知府

丁憂起補湖州擢陝西副使備兵寧夏銀定數州叛服無常有老

僧爲邊人尊信文企用其策遂納款貢馬邊患頓息

雍正志

謝奇舉字彥甫景陵人萬曆癸卯舉人授什邡知縣時奢崇明亂

蜀所在攻剽奇舉守禦完密賊不敢犯以薦擢御史巡按陝西疏

劾魏忠賢不報尋乞休歸

康熙志

胡承詔字君麻景陵人萬曆甲辰進士授夾江知縣調內江知民

最苦鹽課親酌其平及馬價雜稅皆條具成法上之時以爲允擢

南京禮部主事轉郎中遷四川提學副使任滿遷河南參議當去

會奢崇明叛警至慨然曰雖非守土奈何見患而避之因留禦賊

事平之任後擢南京太僕寺卿尋乞致仕

天門志

魏士前字瞻之景陵人萬曆庚戌進士授蕪湖知縣調吳江治劇

有聲遷南京禮部主事累擢河南僉事備兵汝潁奸民龍華作亂

士前平定之中官開屯田江淮所在騷擾士前調劑有法晉參議

志百二十七

人物十五 列傳

三

轉浙江糧儲道忤璫免歸崇禎初起補冀寧道平渠賊神一魁等

調川北道劾蜀藩御門僭制改榆林道乞歸

康熙志

王鳴玉字大瑞景陵人天啟壬戌進士歷官吏工二科給事中以

直節著魏忠賢忌之出爲隴西參議瀕行疏請收權柄遠僉邪隴

西大早所部騷然眾議以兵往鳴玉持不可馳諭遣之曰汝良民

苦饑乃然官來撫汝其毋恐至則跣行赤日中露夜祈禱霖雨大

沛羣情帖然崇禎初入爲刑科給事中以失囚免起官禮部郎中

天門志

譚元方字正則景陵人天啟甲子舉人授高苑知縣山東匱餉叛

兵爲亂及境元方捍禦有功調汶上縣擢蘇州海防同知調邳宿

河務分管鹽運河決漕運不繼元方開泇河殺水勢又鑿新渠四

十里三月功成事聞加秩賜金遷柳州知府改廬州旋升安廬兵

備副使招撫流移解散白蓮妖黨聞楚中寇亂以老疾乞歸弟元禮字服膺崇禎辛未進士授德清知縣簡訟牒省追呼南糧折銀爲巨猾所侵漁申請十年帶徵夏稅絲絹積逋至萬餘金力請蠲免擢戶部主事道病卒

湖北通志檢存稿 浙江通志

蘭以權襄陽人才能選授中書省照磨洪武初廣西左江太平土官黃衍英等降帝遣以權齎詔往諭左右兩江溪峒官民至廣西衛鎮撫彭宗萬戶劉維善以兵護送將抵兩江適來賓峒蠻寇掠楊家寨以權請宗等曰奉詔遠來欲以安民今見賊不擊何以庇民乃督宗等擊之賊敗走遂安輯其地兩江之民由是懾服後升應天府尹

明史廣西土司傳

任亨泰襄陽人洪武戊辰進士第一累官禮部尙書日照民江伯兒以母病殺其三歲子祀岱嶽帝怒杖戍海南因命亨泰定旌表

志百三十七

人物十五 列傳

三

孝行事例亨泰議曰臥冰割股事非恒經割股不已至於割肝割肝不已至於殺子違道傷生莫此爲甚宜嚴行戒諭倘愚昧無知不在旌表之例詔可又令議秦王喪禮因定凡世子襲爵之禮會討龍州趙延壽命偕御史嚴震直使安南時帝以安南篡弒絕其貢使聞詔使至震恐亨泰爲書述朝廷用兵之故以安慰之交人大悅初禮部員外郎金谿吳伯宗嘗使安南以名德爲交人所重至是亨泰奉使人以爲榮前後使安南者並稱吳任云後坐事免

官 明史吳伯宗傳

李文郁襄陽人永樂初以戶部侍郎副夏原吉治水有勞後坐事謫遼東二十年仁宗卽位召還爲南京通政參議致仕

明史夏原吉傳

曹璘字廷暉襄陽人成化戊戌進士授行人久之選授御史孝宗卽位疏言宜率宮中行三年喪貴妃萬氏有罪宜告於先帝削其

謚又請進用王恕等諸大臣復先朝言事于大節等諸臣官遣宮中怨女罷監督京營及鎮守四方太監元年七月以災異疏請日御講殿深求致咎之由以盡弭災之實罷斥大學士劉吉等又云陛下方諒闇少監郭鏞請選妃嬪雖拒勿納鏞猶任用何以解臣民疑祖宗嚴自宮之禁今此曹干進紛紜當論罪諸邊有警輒命京軍北征此輩驕惰久不足用乞自今勿遣而以出師費賞邊軍帝得疏不喜已出按廣東訪陳獻章於新會服其言論遂引疾歸居山中讀書三十年不入城市

明史

鄭繼之字伯孝襄陽人嘉靖乙丑進士除餘干知縣遷戶部主事歷四川副使以養親歸服除不出萬曆十九年用給事中陳尙象薦起官江西進右參政遷大理卿東征師罷吏部尙書李戴議留戍兵萬五千令朝鮮供億繼之曰既留兵自當轉餉奈何疲敝屬

志百三十七

人物十五 列傳

五

國議者躉之擢南京戶部尙書四十一年吏部尙書趙煥罷以繼之有清望召之代煥繼之以篤老累疏乞休帝輒慰留四十六年得請歸卒年九十二贈太保

明史

楚岳襄陽人洪武初爲湖州知府恩威並行百姓感悅

浙江通志

閻俊襄陽人少嘗侍太祖帶刀上殿積勞擢蘇州衛右所百戶永樂中郡民倪宏三嘯聚爲盜殺人奪其舟由太湖渡楊子江俊追至宿遷賊方賽神於廟俊詐爲勾者覘之果宏三也遂擒之舟中凡十九人械送至京伏法賜俊銀幣後升千戶

都穆談纂

胡禎襄陽人洪武初知建寧府操守正直不受私謁府治舊寓建安縣禎改建於宣化坊學校倉庫皆爲鼎新

福建通志

楊銘襄陽人永樂乙未進士授戶部主事以勤能著稱升太平知府政聲大振

明統志

鄭達字叔通襄陽人宣德乙卯舉人任盩厔知縣開廣濟渠溉田千頃調知崑山值歲饑貸穀富家以賑之疫作率醫治救多所全活民廬舍沒於水市竹木撤官舍給之有千戶不法列申上憲褫其職孫傑字伯興正德辛未進士除揚州府推官遷吏部郎中拔幽滯抑僥倖銓政一清以言事謫臨邛知縣後官大理寺丞襄陽府志呂昇字明遠襄陽人天順甲申進士歷官戶部郎中擢雲南參議親歷郡縣察隱除弊有武官怙勢殺人執法者欲賈之昇曰死者何辜卒抵之法蒲蠻亂奉檄宣諭蠻人帖服以疾歸李東陽墓志彭銓字大用襄陽人成化壬辰進士任大理寺正奉詔賑山東饑全活甚眾襄陽府志

胡珙字朝重襄陽人弘治己未進士授溧水知縣擢給事中疏陳正心講學用人愛民修武屯田六事改御史巡按四川上安民弭

志百三十七

人物十五 列傳

五

盜策遷戶科都給事中累官山西布政襄陽府志

王從善字承吉襄陽人漕運總督信次子信見宦績傳嘉靖癸未進士

授溧水知縣時南京饑從善下車不待請發廩賑之建學校毀淫

祠均里甲蠲逋負撫按交薦為循良第一入為吏部主事襄陽府志

從善父信明史有傳作南鄭人官至漕運總督一統志嘉慶志以為襄陽人信父忠見明史邱福傳不言何處人官都督僉事出塞戰沒孝感志以為孝感人並誤考太學題名碑錄王從善湖廣襄陽府襄陽縣官籍陝西南鄭縣人最為明確今以從善為注籍湖北之始信人宦績忠不載

劉存義字質卿襄陽人嘉靖癸丑進士授平湖知縣時有倭患議

城守存義旦夕負土築城埤成而倭至悉力來攻存義擐甲援枹

立矢石下倭酋至城下裸詈欲激戰存義射之應弦而倒倭大驚

解圍去總督胡宗憲率師數萬屯城中土漢交雜供費億計存義

盡心調護卒以用閒殲寇沈莊邑賴以全擢御史巡按山東有直

聲累官大理寺丞

浙江通志 襄陽府志

柯維綦字君實襄陽人萬曆壬辰進士授行人一使陝西再使江

南饋遺一無所受歷官川北分守道時有事於土司維綦謂當靜

以平之忤上官意告歸未一載奢酋遂叛人服其先見

襄陽府志

劉大受字貞白襄陽人萬曆癸丑進士授監察御史巡鹽河東以

羨餘銀十萬充邊賞改巡江北糾貪婪殲巨寇以不謁閹黨削籍

後起官至太僕寺卿

襄陽志

劉安行字淡星襄陽人萬曆己未進士除蕭山知縣歷登封嵩縣

其為政與民煦煦至于奸惡有犯必懲境內肅然上臺檄建魏忠

賢祠安行與知州王家賓力拒之日我兩人楚人也若為此無以

見楊大洪于地下擢給事中癸酉副典福建鄉試以試卷受磨勘

罷歸

河南通志 雍正志

志百三十七

人物十五 列傳

三

汪始亨字月掌襄陽人天啟壬戌進士崇禎初官給事中抗章劾

閹黨太僕少卿李魯生之奸遂列入逆案第三等尋告歸

襄陽志

夏紹虞襄陽人貢生崇禎中知麟遊縣以新城未據形勝上請改

復古城剏造宏遠至今賴之

陝西通志

鍾亮字明遠宜城人洪武甲戌進士官館陶知縣有惠政累遷山

東鹽運副使

宜城志

王麒字子仁宜城人嘉靖庚子舉人任臨江知縣廉正不私遷霸

州知州以忤權貴免次子凝字道甫嘉靖丙辰進士授禮部主事

充裕府講讀穆宗在東宮起居不慎凝獨正色直諫穆宗每優容

之累擢右副都御史巡撫雲南綏懷遠近民苗樂附滇人比之王

恕

襄陽府志 一統志

胡價字玉吾宜城人嘉靖壬戌進士授臨海知縣精敏有才略案

贖駢集剖決無不適當吏不敢欺民懷其惠擢給事中歷官吏部

右侍郎襄陽府志

王琰字良璧棗陽人成化乙未進士授行人遷監察御史巡按蘇松釐奸剔弊吏民懾服後以直諫廷杖死囊無贏帛裨衾不備合

臺飲助始得舉喪一統志

李端字表正棗陽人成化辛丑進士授監察御史剛直不撓屢忤權貴中官汪直憾之誣以事下詔獄謫永寧安撫司經歷後遷溫

州知府有善政一統志

袁仕字良輔棗陽人父盛景泰丙子舉人官黎平知府有善政仕弘治癸丑進士授封邱知縣擢御史巡按廣東總持風紀彈劾無所避疏劾劉瑾亂政欺君四大罪瑾矯旨杖之左遷襄王府長史

棗陽志

志百三十七

人物十五列傳

七

錢積中字彥華棗陽人監生任賓州州判地僻陋積中導以禮讓

人始知學境內素苦猺獠劫掠積中率州兵躬冒矢石勦平之擢

本州知州在官十八年告歸民立生祠祀之襄陽府志

王一鶚字雲衢棗陽人嘉靖甲辰進士萬曆中累官兵部尙書加

太子少保時門禁久弛衛軍役於中官卒伍多缺值簡閱恆賃市

兒乞句以應將官多納月鏹於所轄凡提號走更巡城諸事皆廢

一鶚甫至部卽申行舊制會奉詔定邊臣考績法一鶚與其議後

爲御史所劾一鶚不與辨上疏求解任尋卒棗陽志案志云一鶚卒後子孫因徙家

周曲

杜衡南漳人正統中貢生性孝友父卒廬墓三年景泰初任楚雄

府推官持己廉潔折獄平恕秩滿去任行李蕭然抄本一統志

王應期字國楨南漳人萬曆壬午舉人由教諭歷鞏昌府同知升



武定知府再遷普安兵備副使擒叛酋沙大金雪孝廉龔頤寃獄卒官瀕人鑄銅肖其像輿致襄陽子維周宇士皇萬曆丙辰進士官至戶科給事中

襄陽府志

魯點字子與南漳人萬曆癸未進士除廣州推官治獄忤時貴意告歸起補休寧知縣有善政邑有隄有亭皆以魯公名之擢戶部郎中出督漕於徐州卒

南漳志

方岳貢字四長穀城人天啟壬戌進士授戶部主事進郎中歷典倉庫督永平糧儲並以廉謹聞崇禎元年出爲松江知府海濱多盜捕得輒杖殺之颶潮衝擊時爲民患築石隄二十里遂爲水利郡漕京師數十萬石諸倉相距五里爲築城垣護之名曰倉城他救荒助役修學課士咸有成績屢舉卓異擢山東副使兼右參議總理江南糧儲督漕艘如期吏部尙書鄭三俊舉天下廉能監司

志百三十七

人物十五 列傳

天

五人岳貢與焉入對平臺帝問爲政何先對曰欲天下治平在擇守令察守令賢否在察監司察監司在巡方察巡方在總憲總憲得人御史安敢以身試法帝善之卽擢爲左副都御史十六年以本官兼東閣大學士十七年以戶兵二部尙書兼文淵閣大學士李自成陷京師岳貢被執縊死

明史

陳讓穀城人洪武甲子舉人授刑部主事讞獄明允不避權勢擢御史吏部以主事六品御史七品非升爲請帝曰讓才堪御史仍食六品俸尋遷郎中以公廉守官如初

一統志

王訥穀城人永樂甲申進士授高唐知州教稼穡新學校均租賦省刑罰歲荒賑飢多所全活秩滿父老詣闕請留宣宗巡經其地聞訥善政嘉之賜以金綺

一統志

方岳朝字宗溟岳貢兄萬曆己酉舉人授昭化知縣累遷戶部郎

中出權九江有廉名時岳貢知松江府有聲人謂二江同清云穀城志

范純國光化人永樂時官中軍都督府經歷能識四夷奇字後以罪戍邊有夷表至羣臣莫識召純國歸識之復其官列朝詩集小傳

韓珊字叔珍光化人嘉靖癸卯舉人授臨潁知縣時令民養馬一

馬三十金芻秣費數倍民苦其役珊集在官有力者議以十金買

馬二十金應常費官自理之不以煩民行六閱月餘金得半有白

鶴止於庭民為作來鶴亭以頌之擢管御馬監中官憚之出納無

留滯者尋以御史督運江西言事忤朝貴左遷東昌府通判光化志

陳大道字蘇嶺光化人萬曆丙戌進士歷官河南知府有中貴縱

役傷人大道擒治之累遷戶部尙書天啟中上疏辨張居正寃得

旨俞允光化志

志百三十七

人物十五 列傳

完

韓應龍字五雲光化人萬曆丁酉舉人授南川知縣愛民育士奢

首作亂應龍隨機勦捕屢斬賊目有功累遷長蘆鹽運使四川通志案

通志作襄陽人今據襄陽府志

韓光祐字參嶺光化人萬曆戊戌進士天啟初以右僉都御史巡

撫江西有惠政四年為閹黨張訥所劾罷後起為戶部侍郎尋卒

襄陽府志

危思謙字六吉光化人副貢由德安教諭遷直隸新安知縣新安

素無城始創修之舉廉吏第一調祁州知州流寇北犯治城隍繕

甲兵賊渠張塌天帥眾數萬奄至思謙親督鄉兵血戰五晝夜殲

賊無算以大捷聞擢按察司僉事後隱居金陵棲霞山以終光化志

李紹字思永均州人成化甲辰進士授行人擢御史巡按南畿清

介有直聲同邑張纁字朝儀弘治己未進士授修武知縣亦以清

正稱後遷御史

襄陽府志

張鸞均州人性孝友讓產於兄子嘉靖中以貢生爲葉縣丞有善政嘗植柳於官治後人名曰張公柳

一統志

李貞鄖陽人正德閒任德興主簿居官以廉靜著宸濠兵至單騎率眾禦之身受重傷斬獲頗多

江西通志

溫如玉字孟醇鄖陽人嘉靖癸丑進士累官御史巡按蘇松時江南島寇初平物產彫耗如玉一意拊循民咸蘇息擢山東按察副使以病歸如玉敦孝友謹廉隅居官二十年故廬不增一椽

一統志

李三省字思曾鄖縣人歲貢萬曆中任崑山縣丞邑瀕潦三省乘小艇載米粟隨宜賑之圩岸決壞及時修築未嘗受民一銖一菜病卒牀有敗帷而已

江南通志

楊湛然鄖縣人萬曆丁酉舉人居家孝友人號長者任汾州推官

志百二十七

人物十五 列傳

三

轉莒州知州有治劇才擢刑部郎中除順慶知府多異政考最爲天下第一歷兩淮鹽運使廣西左布政卒

鄖陽府志

黃汝槐鄖縣人萬曆中知白水縣綏撫疲氓政多愷悌境有回人歲出劫掠汝槐申請勦之其害遂除邑人爲立碑祠祀

陝西通志

韓奕鄖縣人萬曆癸卯舉人初受永昌推官遷龍安同知成都知府旋擢下川南道天啟初奢寇亂奕親冒矢石戰却之陞廣東右布政未任卒川撫朱燮元以平奢功聞於朝贈兵部右侍郎

鄖陽府志

周士奇鄖縣人由選貢授襄城知縣時流寇蜂起士奇堵禦有方調南鄭升綏德知州賊眾數萬攻城士奇率壯士夜襲之擒其渠賊潰去民被焚掠者悉發倉以賑陝督上其功遂以西安同知擢商洛道監總兵左良玉軍繩士卒以法軍中肅然

陝西通志

劉源泗鄖縣人諸生明末路馮二賊圍鄖城中食盡將潰源泗絕

城人賊營爲謀以間之二賊互相猜疑天明遁去一統志

李善房縣人洪武初授國子助教歷工部郎中監廬州茶稅出納

公明吏人懷之一統志

劉大受房縣人萬曆癸丑進士官京畿道御史上建儲封藩諸疏

皆人所不敢言巡鹽河東以廉著終太僕少卿房縣志

陳瑛竹山人永樂初貢生以薦舉授刑科給事中奏劾無所忌同

邑生員馬戴同時被舉授大理評事歷嘉興知府以清操著聞雍正志

竹山志

潘榮竹山人永樂初貢生歷刑部主事讞決無私必以詳慎嘗語

人曰一點墨一人命其可忽乎人服其言竹山志

彭忠竹山人永樂庚子舉人累官常州知府常爲三吳劇郡賦繁

役重忠盡心撫字治行爲天下第一竹山志

志百三十七

人物十五 列傳

三

周清字世寧竹谿人正德辛未進士時劉瑾擅權遂隱居教授嘉

靖初就除處州府推官聲績丕著以賢能徵道卒一統志

徐成楚字衡望竹谿人萬曆丙戌進士任內黃知縣有訟鬻田不

鬻井者成楚陽不應使人浚井得鐵鍬鎮枯骨其下乃數年前田

主所潛殺布客也按問伏法邑人神之歲旱蝗不入境擢禮科給

事中糾劾不避權貴乾清坤寧二宮災進疏切諫屢條陳時政言

皆侃直一統志參竹谿志

歐陽照竹谿人萬曆庚戌進士授扶溝知縣有治行擢戶部主事

轉給事中以議請立儲出爲隴西道副使爲政持大體屬吏悅服

一統志

劉濬上津人天順甲申進士授句容知縣擢御史時汪直用事濬

獨抗節不阿會疾卒雍正志

梁道凝鄖西人選貢隆慶中知乾州涖政嚴明豪猾斂迹改鄖府長史鄭世子載堉讓爵朝廷嘉其義道凝贊成之力居多鄖陽府志

梁順甫字天佑鄖西人貢生授義寧知縣有異政邑有虎作文禱城隍驅之害遂除鄖陽府志

徐日隆字泊如本金谿人父雲谷客於鄖西遂家焉日隆以崇禎

初元充貢親老不仕十三年授寧化知縣時土寇蜂起捕誅大盜

李簡等使鄉民自除盜能擒一人者給賞錢若干講鄉約修城郭

器械復壽寧龍門二橋三年邑大治後楚亂留居閩中李世熊撰誌

杜文寧字謐軒保康人萬曆中歲貢任開縣知縣廉慎嚴明在官

八載盜戢民安保康志

張天麟荆門人洪武初知景陵縣與指揮李廷琛修築城垣協力保障境內賴之荆門州志

志百三十七

人物十五 列傳

三

朱敏字永昌荆門人建文壬午舉人累官御史以事累坐抄沒敝衣外一無所贏餘成祖聞而嘉之更賜衣二襲及卒復勅有司祭

奠雍正志荆門紀略

金選荆門人正德間任淳安知縣節用愛民緩於催科田野樂業

浙江通志

黃卷荆門人嘉靖丙午舉人任浦江知縣諭民息訟務農有事行

邑見田治者勞之荒蕪者責之老羸困於鋤犁令僕夫代之終畝

民間子弟向學者引而教誨之表揚節孝採訪先賢邱墓加以培

護致政歸庫積有餘羨秋毫不取浙江通志

王廷卿字隆峰荆門人嘉靖辛酉舉人任碭山知縣築隄建城工

竣而民不知役萬曆初簡用天下循良二十五人廷卿與其一擢

戶部主事江南通志

周之翰字景玉荆門人萬曆壬辰進士累官戶部郎中監稅通州時礦使四出擾民之翰抗疏極諫忤旨罷歸伏黨中途截其行裝檢視惟圖書數卷而已一統志

李化龍字飛伯荆門人萬曆甲午舉人授靖江知縣遷鄜州知州鄜近洛水化龍增渠築防四年無水患會疫癘大作療生人掩死骸皆得其宜荆門州志

周法字行甫荆門人恩貢除原武知縣時河累溢為患捐俸修防歲饑乞粟請賑荆門紀略

王璽字爾玉荆門人萬曆戊午舉人崇禎五年任廣昌知縣為政務舉大綱大姓陵虐鄉里璽懲其尤者餘皆懾服奸民藉命案為利妄引富室璽嚴禁治之風乃息會南豐封山寇警璽增修城壘守禦器械畢具民恃以安江西通志

志百三十七

人物十五 列傳

三

黃點字叔宇荆門人選貢任賀縣知縣縣處蠻荒人文鄙陋點設學召士講習課業弗倦歲旱祈雨甘霖立應邑人頌之點明理學通五經致仕家居從學者常百餘人荆門紀略

賀德邵字戒庵荆門人為諸生時游麻城拾遺金二百守三日還其人後以貢入成均廷試第一授臨邑知縣值大旱多方賑濟所活饑民數十萬戶以母老棄官歸荆門紀略

李讓當陽人永樂甲申進士授大理寺評事歷官廣東參議居官清慎終始不渝一統志

聶武字仁卿當陽人隆慶丁卯舉人任富平知縣涖政精明發摘如神有僧匿民婦經年不出母家至興訟武迹得其狀置僧於法火其寺一邑稱快雍正志當陽志

鄭恩當陽人萬曆間任鶴慶軍民府經歷惠愛及民不事敲扑邊

方大治

雲南通志

張武遠安人洪武甲子舉人授鳳陽府同知有清操卒官貧不能歸詔送其喪還里

荆門州志

傅公朝遠安人貢生任萬年縣丞居官清廉惟一僕自隨卒無以

斂百姓哀焉

江西通志

李槩字斗池遠安人博學善屬文隆慶閒貢入成均爲高拱所器重除開縣知縣善決滯獄多所平反致仕歸不置田宅孫如玉字振華舉人任寶應知縣疏通水利漕艘便之

遠安志

張斗樞字天都遠安人萬曆丁未進士授魯山知縣地多奧草斗樞爲購牛種給民開墾歲凶廣設饋粥並請蠲逋負民以忘饑調任永城治績尤異爲天下廉能第一遷南京吏部主事

一統志雍正志

王友荊州人爲燕山護衛百戶從起兵定京師授都指揮僉事封

志百三十七

人物十五 列傳

五

清遠伯永樂三年充總兵官帥舟師沿海捕倭倭數掠海上帝切責友已而大破之降敕褒勞四年從征交趾斬首三萬七千餘級以功進侯七年再征交趾爲副總兵八年從北征十二年坐誹謗奪爵仁宗卽位官其子順爲指揮僉事

明史

張居正字叔大江陵人嘉靖丁未進士授編修爲人頎面秀眉目鬚長至腹勇於任事豪傑自許遷右中允領國子司業事尋遷裕邸講讀累遷右諭德兼侍讀進侍講學士世宗崩徐階草遺詔引與共謀遷禮部右侍郎兼翰林院學士月餘爲吏部左侍郎兼東閣大學士尋進禮部尙書武英殿大學士加少保去學士五品僅歲餘居正入閣獨引相體倨見九卿無所延納閒出一語輒中肯人嚴憚之重於他相加相國太子太傅進太傅吏部尙書建極殿大學士以遼東戰功加太子太師和市成加少師餘如故神宗卽

位代高拱爲首輔帝虛已委之居正亦以天下爲己任勸帝遵守祖制講學親賢愛民節用帝稱善居正旣得政以尊主權課吏職信賞罰一號令爲主黔國公沐朝弼數犯法馳使縛之南京漕艘以冬月兌運歲初畢發少糴水患太倉粟溢互市饒馬乃減太僕種馬部院行撫按勘者爲之限稽誤者抵罪政體爲肅俺答小王子部數入寇用李成梁鎮遼戚繼光鎮薊門成梁力戰卻敵功多至封伯繼光守備甚設邊境晏然廣東督撫殷正茂凌雲翼等亦數破賊有功浙江兵民作亂用張佳胤往撫卽定世稱居正爲知人時承平久羣盜蝟起居正嚴其禁匿弗舉者黜得盜卽斬決盜賊爲衰止未幾丁父憂奪情議起廷臣諍者坐杖謫有差居正請無造朝以青衣素服角帶入許之帝顧居正益重賜札稱元輔張少師先生待以師禮居正乞歸葬子期三月命大事馳驛之江陵

聽張先生處分遼東奏大捷帝歸功居正加太師趣召還朝時帝漸備六宮多所宣進居正因戶部進御覽數目請帝量爲入出罷節浮費帝令工部鑄錢給用居正以利不勝費止之又請停蘇松織造修武英殿工及裁外戚遷官恩數帝皆曲從乾清小璫孫海客用等導上游戲皆愛幸太后使馮保杖而逐之居正復條其黨罪惡勸帝戒遊宴以重起居專精神以廣聖嗣節賞賚以省浮費卻珍玩以端好尙清萬幾以明庶政勤講學以資治理帝迫於太后不得已皆報可而心頗嘆矣亡何居正病四閱月不愈以病革乞歸優詔慰留及卒贈上柱國諡文忠張四維代相而與居正所薦曾省吾王篆等交惡言官劾篆省吾並及居正中官張誠言居正與馮保交結用事御史羊可立復追論居正搆遼庶人憲爝獄帝盡奪居正贈諡及官秩璽書誥命刑部侍郎邱樞等籍其家荆



州守令先期錄人口錮其門子女多遜避空室中有餓死者長子禮部主事敬修不勝刑自誣服寄三十萬金於省吾篆及傳作舟等尋自縊死事聞內閣六卿大臣合疏請少緩之刑部尙書潘季馴疏尤激楚詔留空宅一所田十頃贍其母其弟都指揮居易子編修嗣修俱戍煙瘴終萬曆世無敢白其冤者熹宗時廷臣稍追述之詔復故官予葬祭崇禎三年復二廕及誥命十三年復武廕併復敬修官明史

王讓江陵人洪武初任新鄉主簿輯流徙課農桑修舉廢墜政化

大洽河南通志

楊浩江陵人洪武閒以人才薦任本邑訓導歷官廣平知府興學校均賦役遇事敢爲時有巨盜流劫郡縣爲害浩設方略捕獲無遺境內安謐有明治廣平者以浩爲最民祠祀焉畿輔通志

志百三十七

人物十五 列傳

三

劉傑江陵人永樂十二年以經明行修舉擢吏科給事中彈劾無所避出爲雲南布政參議興利剔弊民夷翕服謝政歸家甚貧分省

人物志

張純字志忠江陵人永樂辛丑進士正統中累官僉都御史景帝時疏請迎復聖駕廣開言路分兵耀武考察官吏激勸武將革倉弊除盜賊簡任舊臣選擇風憲諸事巡撫北畿綱紀丕振尋掌南京都察院事拔雋黜貪吏治一新遷兵部尙書致仕楚紀

李愷字仲康江陵人景泰癸酉舉人任永新知縣縣有梅花峒民梗化不供賦役者百年愷單騎至峒諭以利害擇其屬數十人詣縣充者吏義官遂皆感服擢吉安府同知分省人物考

戴賓字邦彥江陵人天順甲申進士授南京刑部主事剖決如流獄無冤滯遷四川按察僉事有豪右侵民地者悉覈還之討克白

草塞番轉兵備副使撫守松茂奏設青州守禦所學以化戎俗教

番長冠帶使知名分以憂歸卒

荆州府志

李昂江陵人成化初任長寧知縣尙書周洪謨稱之曰長寧得賢

令四湯行有善政胡諒以惠民稱朱思以賢能著昂則兼之考最

升潼川知州胡諒亦江陵人永樂中嘗知長寧云

四川通志

劉懋字勉之江陵人成化壬辰進士授刑科給事中封駁得體閣

官汪直用事懋首劾之又論昭德貴妃專寵廷杖繫詔獄後爲浙

江按察僉事以憂歸不復仕

分省人物考

蔡暹字文輝江陵人成化辛丑進士授泰興知縣民有謀殺叔母

者累詰不承時方晴霹忽雷大震眾皆愕暹因紿之曰後跪者誰

也其人驚顧卽吐實服罪人皆神之累遷太僕寺丞

楚紀

劉渙字澹庵江陵人成化辛丑進士授鄱陽知縣禮士愛民城東

志百三十七

人物十五 列傳

三

十里患水築隄捍之獲良田數千畝民食其利治行爲江西最及

卒民哀痛如失父母

明統志江西通志

趙鑾字廷振江陵人成化辛丑進士授大理評事歷寺正廉問詳

審多所平反出爲雲南按察僉事分巡安普訟牒旁午剖斷如流

土官桀驁難治者諭之以法勦平等若諸寇邊隅又安建昌與南

詔土酋相讎殺鑾親往處分民夷悅服

分省人物考

汪宣字德卿江陵人成化甲辰進士除華亭知縣興學校禮師儒

獎勵人才多所造就擢監察御史時宦官李廣事敗頗連朝士尙

書屠瀟以爲不必深究宣獨疏其黨與劾其壞選法數事人稱其

直出按蘇松貪墨吏聞風解綬去

江南通志

趙文奎字天章江陵人成化丁未進士除繁昌知縣建旗善申明

二亭修文廟及壇壝振卹孤寡政聲卓著擢御史歷貴州布政使

召爲應天府尹居官以器識端諒稱

江南通志

鄧鉉江陵人正德丁卯舉人授南陽知縣性狷介不阿治行居最擢爲御史以直見忤於時出爲柳州知府遷廣東副使會採珠令

下鉉召吏士焚香設誓一無所取致仕歸

明統志

鄭文祐江陵人嘉靖壬午舉人任銅梁知縣先是豪民爲姦官不能制文祐至有犯輒置諸理相戒斂迹邑遂以治

四川通志

劉大武江陵人嘉靖戊戌進士任潞安府推官歲旱步禱五龍山拜畢雨卽隨之衣裙沾濕升主事

山西通志

蕭大賓字敬夫一姓陳江陵人嘉靖甲辰進士授上虞知縣治績卓異擢御史糾彈不避權貴遷江西參政滌姦飭防肅紀宣惠境內底安歷官副都御史巡撫雲南推行保甲法盜賊寢息改建院署正民嫁娶以禮賑荒濟貧發總鎮沐朝弼不法事盡治其黨人

志百三十七

人物十五 列傳

三

爲工部侍郎

分省人物考

張楚城字釐卿江陵人隆慶戊辰進士授吉水知縣歷兵刑吏三科給事中劾時相張四維邪僻上嘉其忠直出爲臨鞏道遷山西按察使皆有惠政擢雲南布政使晉太僕寺卿致仕

雍正志

張汝濟字澤民江陵人隆慶戊辰進士授臨川知縣民俗健訟汝濟口詰手判略無壅滯緝盜除奸邑風丕變累遷吏部考功郎中杜絕私交一無所徇擢太常寺卿疏請建儲尋以右副都御史巡撫福建以舟師泛海征倭有功坐事罷歸

江西通志

劉楚先字子良江陵人隆慶辛未進士授檢討累官禮部侍郎時神宗數欲易太子楚先方攝部事累疏請皇長子冠期章七上皆不報乃率百官伏闕堅請得旨來春舉行儲位始定俄憂危竝議起言官論及楚先罷職家居十六年起爲吏部侍郎遷禮部尙書

張差倂擊之獄廷臣抗疏請侵鄭貴妃帝震怒楚先言張差自有應坐之律何必張大其事以傷國體疏入上悅卽時召見百官呼皇太子出示羣臣事立判未幾乞歸熹宗初敕召不起魏忠賢亂政楚先每聞朝事輒撫几長歎至於流涕年八十四卒謚文恪文賀

忠集

傅作舟字元濟江陵人隆慶辛未進士授邢臺知縣擢南京戶科給事中時潘晟張岳主京官考察通賄賂庇親識作舟疏劾之時論稱快淮鳳大禳作舟力請蠲賑民無流徙遷光祿寺少卿御史方萬山爲潘張報復以細故劾作舟因自免歸弟作雨萬曆乙亥進士授吏部主事時朝臣諫張居正奪情者眾或欲錮以計典作雨執不可與夷陵王篆爭甚強求外遂知虔州及居正歿鄉人株累無遺作雨獨皎然所部嶺北羣盜千餘人捕獲訊鞠戮其渠魁

志百三十七

人物十五 列傳

五

餘盡原之虔人稱爲傅佛後張岳撫贛以素與作舟不協欲遷怒

作雨求其罪其母曰是傅佛耶何可以兄誣弟岳乃止湧幢小品

王棟江陵人萬曆初任壽寧知縣割俸購民地鑿學宮泮池立義

倉儲米穀以備不虞福建通志

曹大咸字元和江陵人萬曆丙戌進士歷知鹽城山陽兩縣城入爲禮科給事中時倭人封貢事敗言官疏論輔臣趙志皋張位沈一貫位以宿怨疑大咸爲之大咸又疏請東宮亟行大禮留中不報遂因趙南星事被劾罷官三楚文獻錄

尤大治字恕甫江陵人萬曆戊子舉人任光州知州歲荒施賑活數萬人遷懷慶府同知會福王之國河南北造棚廠令做大內制估費十餘萬金大治躬督其事每廠費銀四千民不苦役擢慶遠

知府荆州府志

陸師贄字岷源江陵人萬曆戊子舉人授江安知縣入爲監察御史時魏忠賢擅權師贄與楊漣左光斗諸人惡之閹黨胡芳桂疏劾師贄爲楊漣密友落職歸崇禎時流寇陷荊州師贄渡江避難悒悒而卒福王時諡忠襄一統志

余有執字毅所江陵人萬曆戊子舉人授開縣知縣調郟縣皆有惠政二縣民立碑頌德肖像以祀嘗署溫江請免行稅溫民亦德之遷瑞州府通判致仕歸四川通志

陳治紀字道立江陵人天啟甲子舉人任行唐知縣累遷戶部郎中權稅杭州釐革積弊五十餘年督餉浙西奏免積逋八千餘金出所繫囚十六人官至貴州參政雍正志

徐養心字松濤江陵人崇禎辛未進士授當塗知縣流賊陷和州難民數千聚江干不得渡賊旦近將赴水養心亟命檣船渡之時

志百三十七

人物十五 列傳

罕

沿江無備養心令徹夜張炬鳴礮不絕賊懼乃退擢雲南道御史疏論錦衣馬直風裁凜然出按江西威惠並著國變歸隱卒湖北通志

檢存稿

王軾字用敬公安人天順甲申進士授大理右評事遷右寺丞錄囚四川平反百餘人擢四川副使歲凶請官銀十萬兩爲糴費調陝西弘治初擢四川按察使三年遷南京僉都御史提督操江八年進右副都御史總理南京糧儲旋命巡撫貴州明年入爲大理卿詔與刑部裁定條例頒天下十三年遷南戶部尙書尋遷左副都御史督貴州軍務討普安賊婦米魯時賊勢益熾軾至以便宜調廣西湖廣雲南四川官軍士兵八萬人合貴州兵分八道進十五年正月參將趙晟破六墜砦賊遁過盤江進擊解安南衛圍賊還攻平夷衛都御史陳金以雲南兵禦之賊遁歸馬尾籠寨官軍

聚攻益急土官鳳英等格殺米魯餘黨遂平用兵凡五月破賊砦千餘斬獲數千錄功加太子少保已改南京兵部參贊機務武宗立遇疾請致仕卒諡襄簡

明史

鄒文盛字時鳴公安人弘治癸丑進士除吏科給事中遼東巡撫韓重勅鎮守中官韓玘文盛往勘實其罪朵顏三衛屢擾邊文盛還奏制馭六策尙書劉大夏深善之下之邊吏尋出覈兩廣糧儲正德初歷戶科都給事中出爲保定知府累遷福建左布政使十一年以右副都御史巡撫貴州清平苗阿旁阿階阿革稱王據香鑪山隆興偏橋平越新添龍里諸衛咸被其患文盛至檄川湖兵協勦擒阿革阿旁餘賊盡平移師討平龍頭都黎都蘭都蓬密西大支馬羅諸砦黑苗先後所降無算芒部陳聰等爲亂討破之四川土舍馮綸楊弘相讎殺侵軼貴州境文盛遣使撫定之改莅南

志百三十七

人物十五 列傳

聖

京都察院世宗卽位召爲戶部侍郎遷南京右都御史就改戶部尙書嘉靖六年入代秦金爲戶部首疏鹽政錢法十一事歲餘以年至再疏乞歸卒諡莊簡

明史

毛羽健字芝田公安人天啟壬戌進士崇禎初由知縣徵授御史好言事首劾楊維垣八大罪及阮大鍼反覆變幻狀二人遂被斥王師討安邦彥久無功羽健言賊巢在大方遵義距大方三日程距畢節止百餘里從此進兵何患不克因畫上足兵措餉方略薦舊總督朱燮元閔夢得等後果平賊已陳驛遞之害謂兵部勘合有發出無繳入士紳遞假洗補數四差役威如虎小民命如絲飭下所司嚴革積困爲蘇時溫體仁周延儒目攻已者爲結黨欺君羽健憤朋黨之說上疏辨之帝責其疑揣一日帝御文華殿獨召延儒語良久事祕舉朝疑駭羽健曰漢人有言所言公公言之所

言私王者不受私疏入切責尹健既積忤權要其黨思因事去之

及袁崇煥下獄主事陸澄劾其嘗疏譽崇煥落職歸卒

明史云流安志云

寇陷荆郡尹健與其門人偏撫李乾德同守岳常殺賊甚眾已而

道病惟以國賊未滅燕京將危為慮弘光立詔復原官御史張孫振尼之不果行

王恂字用誠公安人博學工文操行簡素宣德庚戌進士授檢討

以選出使貴州克舉邊務民夷悅服比還所攜惟書卷藥物改右

春坊管司業事尋遷祭酒誘迪後進循循不倦成就甚眾

分省人物考

何皞字太古公安人景泰癸酉舉人任睢寧知縣時久旱皞被髮

徒跣露禱七日大雨麥生一莖三穗蝗不入境牛產雙犢人目為

三異臺使陳瀾特疏薦之擢戶部郎中告歸子珊字次珮弘治癸

丑進士授南京刑部主事歷郎中出為重慶知府遷敘瀘道劇賊

鄆大藍二寇敘州珊討平之擢廣東左布政使

一統志楚紀

志百三十七

人物十五 列傳

望

李芳公安人天順甲申進士成化初由縣令擢御史時妖僧繼曉

內監梁芳與閣臣劉吉萬安黨附為奸科道舉劾多受杖謫會星

變求言芳上疏言天象示警咎在閣豎乞除元惡以快人心召收

忠良以回天意不報出為湖州知府有惠政

荆州府志

王貢字獻明軾子弘治戊午舉人任江津知縣涖政嚴明裁省徭

役遇饑發粟以賑民勒碑頌之

四川通志

高文光字懷谷公安人嘉靖戊子舉人母成氏苦節文光孝養備

至選授巴縣勤慎慈惠視民如傷推鞠以情幾至無訟賦役與民

期會不事鞭笞民亦罔後秩滿改知遂溪到任七日辭歸

分省人物考

周良臣字相季公安人嘉靖乙丑進士授長洲知縣邑政繁劇一

切整齊以法諸豪猾侵蝕賦課者悉核令自實以償夙弊頓清泛

役浮費汰節殆盡津路一無餽遺人亦憚其清嚴不敢索

蘇州府志

李守約字道宇公安人萬曆丁丑進士授刑部主事鄒元標以論張居正奪情事廷杖人莫敢近守約詣朝房負之出親調湯藥治之後遷安慶知府盡心撫循代民輸逋賦累遷南太常少卿湖廣志李學元字存齋公安人萬曆庚子舉人任高唐知州時白蓮教匪煽亂曹濮間學元申嚴守禦設方略擒獲賊渠會魏璫私人爲御史以楊漣故惡楚人學元遂罷去璫敗起爲惠州府推官海寇不靖學元單車入賊壘諭之皆解散查勘潮肇兩郡獄出死罪可矜者二十八人目疾告歸公安志

陝嗣宗字亢之公安人萬曆癸卯舉人授洪雅知縣崇禎初擢御史上疏言陛下有三不可及五不自知語多切直帝大怒以其新進沽名置不問又疏訟知府熊秉鑑參降非罪卽起爲荆西後以劾大學士周延儒落職延儒罷嗣宗起補南京兵部員外郎歷遷

志百三十七

人物十五 列傳

星

陝西按察使未赴卒公安志

鄒之有字懷白文盛孫由錦衣百戶陞指揮僉事舊例司禮監日發小封二紙付錦衣詞外事夕則刺闖以入謂之事件崇禎時上以伺察爲明至加十紙之有受事悉處以平恕出總兵郭正奇死請釋撫賞一案重辟四十八人文選李彬職方鄒毓祚御史詹爾選給事陳德先後下獄皆以之有申救得釋荊州府志

袁彭年字述之公安人宏道子十歲過廬山和父詩宏道喜曰中郎兒可不科第可不詩乎崇禎甲戌進士授淮安推官治獄恪謹遷禮部主事入對請於大河以南建立藩鎮使便宜置吏各自爲守上首肯之改禮科給事中弘光時上疏陳三案始末又諫復東廠阮大鍼銜之謫浙江按察司照磨後入閩轉至粵起爲廣東督學累轉布政使年六十四卒於家公安志參復社姓氏傳略



楊溥字弘濟石首人建文庚辰進士授編修永樂初侍皇太子爲洗馬太子嘗讀漢書稱張釋之賢溥因採文帝事編類以獻十二年幸北京時太子監國遣使迎帝遲帝怒問何人侍太子得溥下錦衣衛獄在繫十年讀書不輟仁宗卽位釋出擢翰林學士建弘文閣命掌閣事尋進太常卿宣宗卽位召入內閣與楊士奇楊榮等共典機務遷禮部尙書英宗初立與士奇榮請開經筵預擇講官必得學識平正言行端謹老成達大體者數人供職且請慎選宮中朝夕侍從內臣太后大喜一日召溥前曰仁宗皇帝念卿忠屢加歎息不意今尙見卿正統三年進少保武英殿大學士是時天下清平中外翕然稱三楊以居第目士奇曰西楊榮曰東楊溥常自署郡望曰南郡因號南楊溥質直廉靜無城府性恭謹每入朝循牆而走諸大臣論事爭可否或至違言溥平心處之諸人皆

歎服十一年卒年七十五贈大師諡文定官其孫壽尙寶寺丞

明史

湖北舊聞錄云溥執政時其子至鄉來省至京邸溥問曰一路守令聞孰賢其子曰道出江陵其令殊不賢曰云何曰卽待兒苟簡甚溥默識之乃天台范理也薦陞德安知府或勸范當致書謝曰宰相爲朝廷用人非私理也竟不致一書溥卒乃祭而哭之

王之誥字告若石首人嘉靖庚辰進士授吉水知縣遷戶部主事改兵部員外郎出爲河南僉事討師尙詔有功轉參議調大同兵備副使以擣板升功增俸進山西右參政擢右僉都御史巡撫遼東大興屯田上便宜八事行之召爲兵部侍郎總督宣大山山西軍務隆慶元年就進右都御史俺答陷石州詔貶二秩三年起督京營尋總督陝西三邊軍務遷南京兵部尙書萬曆初召拜刑部尙書乞終母養歸卒諡端襄張居正專政之誥與有連每規切之以召還直臣收人心爲勸云

明史

張秉彝石首人太祖克贛州授指揮同知後改廣州衛調雷州築

東洋圩六十里以捍海潮又特疏濬呂塘水利民甚賴之海寇黑面鍾寇欽廉秉彝以計擒斬之累遷水軍右衛指揮使楚紀

劉永清字汝弼石首人永樂己丑進士授檢討預修兩朝實錄四書五經性理大全諸書正統初授廣東右布政海寇為患諭降之以疾歸明統志

傅啟讓字仲禮石首人永樂壬辰進士授御史歷官河南按察僉事清慎有為奏請築隄以禦河患即令啟讓董其役隄長四百餘

里人稱為傅公隄遷陝西副使擢大理寺少卿致仕楚紀

周志義石首人永樂中任鎮平知縣廉毅公平民安其政縣多盜賊志義設法掩捕期月盜賊平息河南通志

汪浩字宏初石首人景泰辛未進士授南京大理寺副天順初歷遷四川按察僉事時成潼夔嘉諸郡寇起浩多方經略擒斬萬餘

志百三十七

人物十五 列傳

五

就擢僉都御史巡撫四川平劇賊趙鐸等加副都御史討都掌叛

蠻卒致底定著有平西錄分省人物考

彭鏞石首人景泰間任介休知縣廉介公勤疏水利蠲賦役繕城

郭凡利於民者無不舉行山西通志

袁愷字廷佐石首人景泰庚午舉人授御史巡撫蘇松拯災民再巡浙江平冤獄成化中柳州慶遠等府徭人蠢動愷往督兵勦捕

斬獲渠魁餘皆就撫朝廷嘉之擢廣東右布政子宗皋字仲德弘治庚戌進士以選授興府長史興獻王嘗稱以為長者世宗入繼

大統扈蹕至京翊輔甚勤首陳中興八大政一御經筵講學二罷鎮守太監三禁奸民投獻四遷顧命大臣五昭雪言官六復開國

元勳後爵位七復建文年號八表忠義方鐵諸人累遷吏部左侍郎時內璫乘劉瑾餘燄不職宗皋請加裁抑不得與政事典兵機

尋進禮部尚書兼文淵閣大學士宗皋素清介既居台輔苞苴無  
敢至門卒諡榮襄分省人物考

劉思賢字用賓石首人弘治丙辰進士授戶部主事稍遷員外郎  
正德閒以忤劉瑾繫獄免瑾誅起郎中出知重慶府興學教士愛  
民如子累遷工部侍郎分省人物考

劉寓生字奇進石首人弘治乙丑進士授監察御史抗直敢言以  
忤劉瑾免嘉靖初起為福建僉事寓生嘗與湛若水穆孔暉講明  
性理之學被服如寒素分省人物考

張璧字崇象石首人正德辛未進士授編修乾清宮災上修德勤  
政講學三事世宗初御經筵璧為講官敷陳剴切以右諭德典試  
南畿稱得人累遷南京禮部尚書召還以禮部尚書兼東閣大學  
士卒諡文簡分省人物考

志百三十七

人物十五 列傳

吳

成樂字以和石首人正德甲戌進士知泰州政尚寬惠操持清謹

累官兵部侍郎征白蓮賊有功江南通志 舊荊州府志

李多祚字可久石首人嘉靖癸卯舉人授安遠知縣時三巢構亂  
據縣之大石小石伯洪三堡而腰古丹竹樓等堡又皆新附民心  
未定多祚撫馭得宜擒斬巨寇招降以干計寇平流亡得復業擢

潮州知府江西通志

劉惟忠字泰階石首人萬曆丁未進士授寶坻知縣擢河南道御  
史巡按山西有直聲天啟中疏劾魏忠賢奪職崇禎初起官至太

僕寺少卿荊州府志

裴璉字汝器監利人洪武中授劍州知州至即訪民疾苦暇日進  
諸生講授州人始知有學擢浙江按察僉事永樂初改江西坐事  
免尋起為御史善論事往平阜山賊遷河南按察副使復坐事免

再起爲御史時階州賊方熾遣璉按治之斬首惡餘黨數千在文州黑山者釋不誅皆諭降之改官右中允又改刑部主事忤當事者意出知易州洪熙初召爲刑部侍郎言事忤旨降知涪州卒璉與楊溥劉傑何忠張純齊名時稱荆南五君子子綸字景宣永樂辛丑一甲三名進士授編修以終養歸起復入翰林綸與侍講劉球善球以忤振杖死並扼綸不得入朝一日上問白面翰林裴綸安在振始不敢加害景泰中出爲山東布政使劾鎮守太監覃廣罷之英宗復辟贈禮部尙書諡文僖

一統志 湖北通志檢存稿

鄭重威字子修監利人嘉靖丙戌進士除遂寧知縣歲祲盜起發粟賑貸盜以漸息擢戶部主事遷臨安知府條陳五邦寧遠等縣事宜拓土幾千里又平阿迷蒙白等處賊累遷雲南右參政

雍正志

劉昇字成之

昇縣志作昇

監利人嘉靖辛卯舉人授巫山知縣舊有茶

志百三十七

人物十五 列傳

七

稅今多規以爲利昇請盡輸於府地當峽口要道民苦迎送昇雇

錢募役民力以紓

荆州府志

李夢祥字幼徵監利人嘉靖乙未進士除温州府推官時宰相張孚敬欲引河至城中環其居夢祥持不可因誣以事上遣使往勘民遮道訴冤事白遷工部主事轉郎中出爲思南知府始創築府城鎮草苗叛陷思州石阡攻圍思南夢祥憑城固守竭力捍禦城賴以完孫元實字士貞萬曆丙戌進士歷官戶部郎中權稅九江以廉稱遷鳳陽知府執法不阿豪貴斂跡擢福建兵備副使以勞

卒官

荆州府志

姜奇方字孟穎監利人隆慶辛未進士初知宣城縣建豫備常平二倉儲穀備荒創水陽諸廩待兌軍民便之累遷都勻知府終江南轉運使皆有治績

江南通志

劉承範監利人萬曆初由貢生知浙川縣丈地均糧開興化堰灌

田數百頃民享其利遷韶州府同知

河南通志按承範昇子

謝璉字君實監利人萬曆丙辰進士授南兵部主事歷遷廣東右布政駐潮州擒討海賊有功闡廣以寧崇禎四年冬山東兵亂以璉巡撫登萊與山東巡撫徐從治並命時登州已陷從治璉同守萊州外圍日急諸援軍頓昌邑不進兩撫臣困城中更以兵部右侍郎劉宇烈爲總督統師往援而尙書熊明遇主撫宇烈遣使往議講賊言文武官出城宣諭旨圍卽解從治已中礮死璉不得已乃出賊因執璉囚之登州未幾殺之後賊平贈璉官兵部右侍郎廕子斯茂詹事府錄事

監利志參明史徐從治傳

鄧炳字其文監利人萬曆庚辰進士授上海知縣颶風作海溢漂溺民居炳拯活甚眾歷常熟改長興擢戶部郎中並著清節

雍正通志

志百三十七

人物十五 列傳

吳

鄧應捷字濟民監利人貢生任隨州訓導遷墊江知縣獄有死罪囚百餘人廉察其誣釋數十人後張獻忠入蜀棄官歸里遇所釋者數人效死捍衛得免於難未幾卒

雍正志

伍文定字時泰松滋人父琇官貴州參議文定弘治己未進士有膂力便弓馬議論慷慨授常州府推官精敏善決獄稱彊吏魏國公徐備與民爭田文定勘歸之民劉瑾入備重賄興大獄文定已遷成都同知逮下獄斥爲民瑾敗起補嘉興江西姚源賊王浩八等流劫浙江開化都御史俞諫檄文定等討之浩八突華埠文定擊敗之追及於孔埠又敗之諫上文定忠勇狀擢河南知府計擒劇賊張勇李文簡以才任治劇調吉安討平永豐及大茅山賊佐王守仁平桶岡橫水賊宸濠反文定迎守仁入城共討賊丙辰之戰躬犯矢石火燎鬚不動功最擢江西按察使尋遷廣東右布政

未赴而世宗嗣位文定請發宸濠資財還之江西以資經費矜釋所陷無辜及寧府宗人不預謀者納之進右副都御史提督操江嘉靖三年討獲海賊董效等二百餘人以病歸六年召拜兵部右侍郎其冬擢右都御史雲南土酋安銓武定土酋鳳朝定反合兵圍雲南進文定兵部尚書提督雲南四川貴州湖廣軍討之未至銓等已破移師征叛酋普奴左都御史李承勛極言以川貴殘破不當用兵召還提督京營疏乞省祭歸遂致仕天啟初追諡忠襄

明史

傅瓛松滋人吳元年授江西行省參政遷參知政事與李善長定律令務從簡當洪武元年上郊廟議時京師火四方水旱相仍帝諭羣臣修省瓛以天心仁愛爲對且自引咎官至禮部侍郎一統志謝銑松滋人永樂初官松江府同知歷署杭州揚州知府所至有

志百三十七

人物十五 列傳

吳

聲松江有大姓子驕恣幾破家銑召至教誡之且勉以學某卒改行且登第繼其家聲其惠化多類此子珊字伯聲正德辛未進士授龍游知縣治行練達出見道路傾圯割俸修治不以煩民擢御史巡按四川陝西糾劾不避權要珊子佑嘉靖乙未進士授兵部主事轉工部郎中出爲河南參政歲旱賑恤有方楚紀 浙江通志 荆州府志李志松滋人永樂辛卯舉人歷官山東道御史執法不撓宣德間遼東朵顏指揮哈刺孫朝貢不至廷議遣兵擊之志曰天下有道守在四夷來不拒去不追今朝貢雖闕遽加以兵非懷遠之道遂

止

一統志 楚紀

胡宗政松滋人景泰初由鴻臚序班任黎平府經歷機警有方略時廣西猺人與西山洞苗相讎殺當事屬吏撫之不聽宗政親往洞中分析曲直苗猺並服事乃息貴州通志

王本義字汝宜松滋人成化丁酉解元授江陰訓導擢高安知縣  
性勤敏每治事令兩吏讀公牒且聽且判無一乖錯在任以清白  
稱子之相弘治甲子解元楚紀

王其勤字時敏松滋人嘉靖癸丑進士授無錫知縣時倭寇出沒  
不常縣城久圯其勤倡建興築數月畢工倭至常鎮等屬悉遭焚  
劫無錫以城固無恙履畝出無糧之田十餘頃除虛糧無田者七  
千餘石賦均訟簡民立祠惠山祀之遷南京戶部主事視權淮關  
轉兵部郎中乞歸一統志 江南通志

胡政松滋人嘉靖間任雄縣知縣增修城垣擒獲巨盜軫恤窮黎  
民賴以安畿輔通志

周天祚字永錫松滋人天啟乙丑進士授南充知縣政尚寬簡擢  
戶部主事力裁冗費數與中官相忤憂憤卒一統志

志百三十七

人物十五 列傳

五

何勛字毅夫枝江人正德丙子舉人嘉靖中任姚安知府平易寬  
仁修築夾口壩注水以濟大石湖之不及遂爲永利雲南通志

張儒枝江人萬曆閒以貢生任和順知縣愷悌慈祥視民如子邑  
人祠之山西通志

鄒師顏字希賢宜都人洪武中貢入太學授兵部主事永樂初爲  
江西參政坐事免以薦擢御史有直聲同官李公敏娶見罪囚親  
屬爲妻師顏疏劾之自是臺紀肅然遷大理寺丞十九年帝將大  
舉征沙漠戶部尙書夏原吉等議比年師出無功軍馬儲蓄不繼  
兵不當出帝怒召原吉繫之並繫師顏以其嘗署戶部也仁宗卽  
位釋爲禮部侍郎久之請省墓還至通州卒貧不能歸葬尙書呂  
震聞於朝宣宗命驛舟送之明史夏原吉傳

向文璽字國信宜都人弘治乙丑進士授戶部主事轉員外郎擢

廬州知府修明條教事無廢弛鄰境饑賑貸流移十餘萬人積穀

至十八萬石以最遷山東轉運使饑政流通商民稱便荆州宜昌府志案

一統志作夷陵人明時宜都縣屬夷陵州一統志云知廬州府以持法構怨罷歸事母盡孝鄉人化之微異

劉一儒字孟貞夷陵人嘉靖己未進士歷官刑部侍郎張居正專

政一儒與有連嘗貽書規之居正沒親黨皆坐斥一儒獨以高潔

名尋拜南京工部尙書甫半歲移疾歸初居正女歸一儒子戡之

珠琲紈綺盈箱篋一儒悉扃之別室居正死資產盡入官一儒乃

發向所緘物還之南京御史李一陽請還一儒於朝以厲恬退帝

可其奏竟不赴召卒於家天啟中進諡莊介明史王之誥傳

文安之字汝止夷陵人天啟壬戌進士就檢討除南京司業崇禎

中就遷祭酒爲薛國觀所構削籍歸福王時起爲詹事唐王復召

拜禮部尙書皆不赴永明王以瞿式耜薦拜爲東閣大學士亦不

志百三十七

人物十五 列傳

至

赴順治七年六月始謁王梧州乃就職時孫可望再遣使乞封秦

王安之持不予其後桂林破王犇南寧安之念川中諸鎮兵尙強

欲結之共獎王室乃自請督師加諸將封爵王從之加安之吏兵

二部尙書總督川湖諸處軍務進諸將王光興等封爵令安之齎

敕印行可望聞而惡之遣兵伺於都勻邀止安之奪光興等敕印

安之無所歸將謁王於安龍可望坐以罪戍之畢節衛旣而可望

自設內閣六部等官以安之爲東閣大學士安之不爲用走川東

依劉體仁順治十六年王奔永昌安之率體仁等十六營由水道

襲重慶會譚弘譚詣共殺譚文率所部降於清兵諸鎮遂散時王

已入緬甸地盡失安之鬱鬱而卒明史

袁泰其先夷陵人家於蒲州洪武初以賢良薦舉授臨縣丞改羅

山歷官至右都御史泰有才辨明於法律嘗因奏事忤旨上命劉



璟繫其頸益爭論不屈一時權貴多憚其直宜昌府志

冉寧字士安夷陵人洪武丙子舉人授大竹教諭訓士有成永樂

中擢刑科給事中轉中城兵馬司指揮遷工部主事歷兵部郎中

詹事府中允泄職精勤罔有廢事同邑唐貞寧同榜舉人歷官兵

科給事中抗直敢言永樂朝益勵風節以清儉聞宜昌府志

王良佐字明遇夷陵人弘治乙丑進士授監察御史時劉瑾用事

乘輿數出巡幸良佐力諫阻之歲凶陳冤恤四事出為陝西參議

調四川貴州所至有聲宜昌府志

舒富夷陵人正德閒任南康縣丞從王守仁征桶岡橫水泃頭諸

賊有功時崇義縣新立守仁奏富知縣事招練撫綏民獲安堵守

仁深倚賴之江西通志

朱志榮夷陵人正德戊辰進士官御史直聲震一時嘗以忤旨被

志百三十七

人物十五 列傳

至

譴屢歷憂危風采益著雍正志

雷以仁字與吾夷陵人嘉靖己未進士歷官陝西左布政使秉正

不阿以清介著聞致仕歸行李蕭然一無長物雍正志

陳禹謨字嘉猷夷陵人隆慶庚午舉人授鄭州知州有治河功遷

松江府同知攝華亭以賑荒著歷知忠涿二州皆有循績禹謨事

繼母至孝兄弟無閒言子正言字鹿野累官川東兵備副使多善

政里居好義鄉里式之劇賊過其門相戒勿犯年七十卒會葬者

千餘人宜昌府志

王橋字榮子夷陵人萬曆壬午舉人任富陽知縣重士興學抑遏

豪強清理沙田徵輸有方擢戶部員外郎歷官貴州按察副使江

通志

郭維藩字介卿夷陵人萬曆丙午舉人任古田知縣後知江寧均

有能聲擢戶部主事倪元璐奇其才薦司九江權務時寇氛充斥  
維藩極意招徠商賈復集福王時袁繼咸檄署九江兵備值左良  
玉兵變乃退居廬山以終宜昌府志

劉子春長陽人洪武中進士知簡縣為政有體吏民畏懷永樂中  
召為山東道御史以選授右中允與石首韓守益同侍太子講經  
因事納規有言必盡出補浙江參政轉廣西按察使一統志

裴成祖長陽人一作施州衛人洪武中以秀才異等拜監察御史命同張

亨等八人入署都察院事三十年武定侯郭英平沔寇回成祖劾  
其私畜家奴百五十餘人擅殺男女八人帝命議其罪已而宥之  
尋出為浙江僉事治獄平允不苛刻擢江南按察使卒康熙志  
明一統志

施南府志

鄭孟珏興山人洪武間以薦授沁源知縣均農興學均平賦役民

志百三十七

人物十五 列傳

三

善其政升左都督府斷事官山西通志

譚思敬巴東人洪武中以貢生任大竹知縣擢兵部給事中永樂  
間以言事切直出知岷縣政先教化時以先正格言告諸父老使  
歸訓其子弟邑民景從任滿升知平定州士民乞留復任九年當  
去民不忍舍遂留家焉明統志  
浙江通志

向九州巴東人嘉靖中以貢生任鄆都知縣居官清廉民有以非  
罪繫者請以千金求解九州拒不受竟白其冤涖官三年政化大  
行告歸置義田以歲租贍族人之貧者宜昌府志

童鐘字景陽施州衛人為衛指揮天順間賊孫居士等流入施南  
鐘督兵擒居士等三十餘人其黨復竄入土陀寨攻彭水等縣蜀

撫汪浩檄鐘會剿進斬賊首二十八人餘黨悉散川湖以安施南府志  
向佶施州衛人天順間寇起佶以諸生率民兵擊賊合境獲安仕

至順天府治中施南府志

童昶字明甫施州衛人爲衛指揮僉事討平向能及蜀鄆藍二逆又從征石阡斷藤峽諸處俱有功擢靖州營參將遷淮河鎮總兵卒昶博學有文武才著有周正考施州衛大田所二志子希益字新齋諸生嘉靖中土寇黃中叛希益上安邊十二策偕經歷汪澤等往說中降之事平敘功力辭不就施南府志

申潮字汝信施州衛人歲貢豫知施屬土蠻將變條陳五事上之一兵備宜專鎮施二守備宜移南坪三重夔軍糧宜復令各邑解施四宜撤靖州戍卒五宜增堡隘防兵部議免戍卒餘目爲迂闊不行授淮安府知事越三年土寇黃中倡亂會兩省兵討平之而地方受客兵之害甚於賊人始服其先見施南府志

陳陟施州衛人隆慶中任潁州州判清嚴執法吏有以賂嘗者責

志百三十七

人物十五 列傳

善

而遣之妻布裙敝垢不供浣濯陟略不以介意江南通志

鄧宏烈字東昇施州衛人萬曆閒由貢生任雙流知縣時播州楊應龍叛檄宏烈回籍督州兵助勦連破三關及青山川崖諸屯應龍敗死後歷遵義大理嚴州三府同知雍正志

張問禮字立齋施州衛人萬曆丙子舉人居官清白以忤魏增改馬湖通判歷嘉定眉二州告歸子應揚選貢任華州州同有惠政

施南府志